

NY FANAON'NY

MPAMINANY MARINA IRAY

 Misaotra anao, Rahalahy Borders. Ndao isika hijanona fotsiny hitsangana raha mbola mivavaka. Manontany an'izay manana fangatahana aho izao hariva izao, hanangana ny tanganareo ve ianareo ka hanao hoe, "Tompo, inty aho"? Ankehitriny dia ndao isika hanondrika ny lohantsika.

² Ry Rainay any An-danitra, raha mandre an'izany hira izany izahay hoe, "Tompo, mino aho." Afaka mieritreritra izahay an'ireo—an'ireo fotoana izay, manerana an'izao tontolo izao, nandrenesako an'izany tamin'ny fiteny maro be, "Tompo, mino aho." *Minoa Fotsiny*. Ary, Ray, mivavaka izahay mba hihatra noho ny hira iray izany ho anay izao hariva izao ka ho lasa zavamisy iray. Enga anie izahay banana an'ilay finoana lehibe tao Aminao izao hariva izao.

³ Ary mivavaka izahay ankehitriny ho an'ity fiangonana kely ity, ny pasiterany, ny Rahalahinay Fuller, Mpanomponao, rahalahy iray izay anananay fahatokiana. Ary mivavaka izahay ho an'ny fianakaviany, ireo mpiasany eto, ireo diakona, mpitantan-draharaha, ary ny rehetra izay miditra eo amin'ireo varavarana masina ireo. Mivavaka izahay, Tompo, mba hijanonany isan'andro ho tranon-jiro iray ho an'i Jesosy Kristy.

⁴ Tahio ny rahalahy mpitoriteny rehetra izay eto izao hariva izao, ireo izay miditra sy mivoaka miaraka aminay, manerana ny lalana. Mivavaka izahay, Ray, mba Hitahianao betsaka azy ireo.

⁵ Ary mangataka izahay, izao hariva izao, ho an'ny firotsahana hafa iray an'Ny Fanatrehao eo aminay. Manana ilaina izahay, Tompo. Mila Anao izahay. Manana ilaina tsy ankitsahatra izahay satria eo amin'ny sahan'ady izahay, Tompo, izay tsy maintsy handraisana fanapahan-kevitra. Ary mivavaka izahay, Ray, mba Hampaherezanao anay tsy ankitsahatra amin'Ny Fanatrehao. Manaobetsaka aminay izany, ny mahafantatra fa momba anay Ianao. Aseho fotsiny ny Tenanao manatrika, Tompo, dia hampahery anay handroso izany. Sitrano ny marary sy ory. Vonjeo ny very. Ampaherezo ny kivy. Raiso ho an'ny Tenanao ny voninahitra. Mangataka an'izany amin'ny Anaran'i Jesosy izahay. Amena.

Afaka mipetraka ianareo.

⁶ Mino aho fa Davida no nanao hoe, "Faly aho rehefa hoy izy ireo tamiko hoe, 'Ndao isika ho any an-tranon'ny Tompo.'"

⁷ Nilaza i Billy, vao teo, nanao hoe, “Tsy reraka kely ve ianao, ry dada?”

⁸ Hoy aho hoe, “Eny. Efa reraka aho nandrity ny fiainako rehetra.” Lasa tena mahazatra ahy ilay izy.

⁹ Nanomboka nieritreritra aho hoe, “Eny, miha-antitra loatra aho. Tokony miala kely aho.” Avy eo dia tonga ny olona iray, eo amin’ny valopolo na sivifolo taona eo, mandrehitra an’ilay faritra fotsiny, saiky indroa amin’ny taonako, fantatrareo. Nieritreritra aho hoe, “Oadray! Menatra ny tenako aho.”

¹⁰ Any amin’ny tabernakla any an-trano, dia misy mpivady antitra kely amin’ny anarana hoe Kidd, tonga avy any Ohio. Ankehitriny, izy roa dia ao, eny ao amin’izany, dimy amby valopolo na valo amby valopolo taona. Ary tena antitra izy ireo hany ka tsy afaka mandeha any am-piangonana betsaka intsony, satria ny . . . Tsy manana feo betsaka izy ireo. Fa fantatrareo ve izay ataoz’izy ireo? Saiky ny horonam-peo tsirairay . . . Nitsitsy ny volany io ramatoa antitra kely io ka nividy milina fandraisam-peo iray. Ary noho izany dia maka horonam-peo iray izy. Izaho no mandefa an’ireo horonam-peony. Ary halainy ireo horonam-peo ireo, ary handeha hankany amin’ireo hopitaly izy, na aiza na aiza azony ametrahana an’io milina fandraisam-peo io, izy sy ny vadiny antitra kely, mandefa an’ireo horonam-peo ireo. Ary avy eo aho dia handefa horonana goavana iray an’ny—an’ny lamba fangataham-bavaka ho azy izay efa nivavahako. Ary matetitetika mihitsy hoe, “Ranadahy Willy, tsy manana lamba fangataham-bavaka indray aho.” Ary noho izany rehefa mahita azy ireo aho, miditra ao am-piangonana izy, volo fotsy kely, aron’akanjo kely; ary izy, lehilahy bitika kely.

Teo amin’ny efatra na dimy taona lasa izay, rehefa izaho tany amin’ilay . . .

¹¹ Inona moa no anaran’ilay toerana any Ohio, izay anaovan’izy ireo an’io favoriana isan-taona io? Antsoin’izy ireo hoe Chautauqua ilay izy. Fa adinoko ilay izy ankehitriny. Eo amin’ireo tany any izany. Fa inona moa ny—ny anaran’ilay tanàna, tsy afaka mieritreritra azy aho. [Hoy ny rahalahy iray hoe, “Franklin.”] Hoy ny anabavy iray hoe, “Miami, eo akaikin’i Middletown.”—Mpand.] Ankehitriny, ilay izy dia, tena akaiky mihitsy ianareo ankehitriny. Nisy olona iray nilaza fa nitety an’i Miami mihitsy izahay. [Hoy indray ilay rahalahy hoe, “Franklin.”] Ary akaikin’i Franklin ilay izy. Eny. Marina izany. Ao mihitsy . . . Mino aho fa ilay izy dia eo anelanelan’i Franklin . . . [Hoy ny rahalahy anankiroa hoe, “Middletown.”] Middletown. Izay ilay izy. Marina izany. Noho izany, marina izany, Middletown, eo amin’ilay renirano, noho izany dia any amin’ireo tanin’i Chautauqua any. Izany dia ilay foiben’ny basketball, ara-panatanjahan-tena any.

¹² Ary io rahalahy io, oh, taona maro no nahafantarako azy ireo, ary Rahalahy Kidd antitra kely dia, oh, ataoko fa valopolo taona izy rehefa naka azy tany izy ireo, ary hitan'ireo dokotera fa nivadika ho fetsy ireo prostatiny. Ary noho izany dia nandrakotra azy nanerana io fivontosana io. Eny, nilaza izy ireo fa tsy maintsy didiana ilay izy. Noho izany rehefa nosokafan'izy ireo ilay izy, "Nahoana, tsy nilaina ny fandidiana. Efa lasa lavitra izy." Hitanareo? Hoy izy ireo, "Tsy misy fomba anaovana an'izany, mihitsy." Eny, nentina nody ilay lehilahy kely. Ary, ilay fandidiana, sarotra eo amin'ny lehilahy iray valopolo taona. Ary izy dia nilanana fotsiny teo, oh, ataoko, latsaky ny zato livatra.

¹³ Noho izany, niantso Rtoa. Kidd, tany. Vao tonga tany antrano avy tany ho any aho. Teo am-pahafatesana Rahalahy Kidd. Ary hoy izy, "Te-hahaha anao izy, Ranadahy Branham, alohan'ny ianao... alohan'ny andehanany" Eny, niova lâlana izaho sy Billy Azonay ilay—ilay hafatra, indray hariva, teo amin'ny folo ora teo. Nanomboka izahay, ny ampitso maraina, teo amin'ny efatra teo. Satria, tamin'ny mitataovovonana ny ampitso, dia tsy maintsy nandeha indray aho. Ary saiky nandrovitra ny kodiarana hiala amin'ny fiaranay izahay, hahatongavana tany.

¹⁴ Lehilahy antitra kely, nanarina azy izy ireo rehefa tonga tany aho. Ary nanana aron'akanjokely iray izy teo amin'ny sorony, nipetraka teo tahaka ny patriarka antitra kely iray. Nanao zavatra iray ho ahy fotsiny izany. Ary rehefa nandeha hijery azy aho, dia njery izy.

¹⁵ Nisy ramatoa antitra iray hafa nipetraka teo, efa anankiray amin'ireo mambran'ny fiangonany hatramin'ny nitoriany teny an-tendrombohitra, farity ny saribao any Kentucky, izay nanasany lamba tamin'ny dimy ambin'ny folo cents isan'andro, mba handefasana ny vadiny any amin'ireo saha hitory ny Filazantsara. Folo taona talohan'ny nahaterahako izany; nitory ny Hafatra! Dia njery izy, ary izy niantso azy hoe "nenibe," ary valopolo taona izy. Ary efa nihoatra ny sivifolo taona izy. Ary noho izany dia hoy izy hoe, "Nenibe, toa fotsy tahaka ny oram-panala ianao."

¹⁶ Nieritreritra aho hoe, "Tahaka an'izany no fijerin'ny mpitoriteny ny iray amin'ny fiangonany, mandry, mipetraka eo, eo am-pahafatesana. 'Nenibe, toa fotsy tahaka ny oram-panala ianao.'" Hia.

Dia njery manodidina izy. Hoy izy hoe, "Rahalahy Branham?"

Hoy aho hoe, "Eny, Rahalahy Kidd?"

¹⁷ Hoy izy hoe, "Eny, ataoko fa tsy ho ela intsony dia handefa ny kalesiko hidina Izzy." Hoy izy, "Hiakatra aho, izao maraina izao."

¹⁸ Dia hoy aho hoe, "Mahafinaritra, Rahalahy Kidd." Hoy aho hoe, "Izany no fomba hahatsapana."

¹⁹ Ary ilay Ranabavy Kidd antitra kely, firy no mahafantatra azy, ato? Hia. Fantattro, oh, betsaka aminareo no mahafantatra azy ireo. Noho izany dia hoy izy... Hoy izy hoe, “Fa, Ranadahy Willy, tsy mihevitra ve ianao fa afaka hanasitrana an’i papa Andriamanitra ankehitriny?”

Hoy aho, “Azo antoka, afaka Izy.”

²⁰ Dia hoy izy hoe, “Eny, voninahitra ho an’Andriamanitra!” Hoy izy hoe, “Raha Tiany ny hanasitrana ahy,” hoy izy, “izaho dia—vonona ny hiasa indray aho.”

Nieritreritra aho hoe, “Valopolo taona!”

Nanomboka nandohalika aho. Indro tonga ilay fahitana. Izay ilay izy.

²¹ Roa andro taty aorianana, dia nentin’izy ireo niverina nankany amin’ny hopitaly izy. Tao amin’ny tafiky ny polisy tao amin’ny tanàna ireo zananilahy tany. Tsy nety azon’izy ireo ilay izy. Nitondra azy niverina nankany amin’ilay dokotera. Ary nihaotra ny lohany ilay dokotera, nanao hoe, “Ralehilahy, tsy misy soritra iray an’izany izay mety hitako na aiza na aiza, ankehitriny, teneno amiko ny tantaranao.” Ary noho izany dia toy ny hoe nanorotoro an’ilay hopitaly izy. Niverina niaraka tamin’ny miliny fandraisam-peo avy hatrany, indro izy tonga, mandefa ny Hafatra. Ary izy ireo dia mipetraka any... Ary any akaikin’i Chautauqua sy any mihitsy.

²² Ankehitriny, vantany vao manomboka an’Ireo Tombokase Fito aho, tahaka ny nanaovanay an’Ireo Taom-Pianganana Fito. Niantso ahy izy indray hariva, hoy izy hoe, “Eny, malala, raha nanam-bola fotsiny aho,” hoy izy, “dia azoko antoka fa tiako ny ho tonga any.”

²³ Hoy aho hoe, “Adinoy izany, Rtoa. Kidd. Ny—miandry ny efiranonao. Tongava ianao sy i papa.”

Hoy izy hoe, “Ho tahiana anie ny fo kelinao!”

²⁴ Ary manao ahy hahatsapa tena tsara mihitsy izany, fantatrareo, satria mampahery ahy izy ireo. Eo amin’ny dimy amby valopolo na enina amby valopolo taona, nefo mbola mandeha foana. Nefo aho, mitaraina eto, eo amin’ny telo amby dimampolo taona. Noho izany, oadray, manao anareo hahatsapa toy ny hoe mandray fampaherezana izany.

²⁵ Eny, manana betsaka ho resahana isika, ary vondrona iray maha-te-ho tia hiresahana tahaka an’izao, nahoana, afaka mijanona eto mandritry ny antsasaky ny alina mihitsy isika.

²⁶ Saingy tsy maintsy handeha any amin’ny sekoly Alahady ianareo amin’ny maraina ankehitriny. Ankehitriny, tsy maintsy manana antoka hanao an’izany ianareo. Ary tsarovy, nilaza foana aho hoe, fahotana tanteraka tokoa ny mandefa ny zanakareo mankany amin’ny sekoly Alahady. Aza manao an’izany mihitsy. Tsy mety izany. Ento izy ireo, isan’andro.

Hitanareo? Mandehana foana miaraka amin'izy ireo. Izy . . . Ary noho izany, ankehitriny, amin'ny maraina izany.

²⁷ Noho izany, ankehitriny, raha voatery tsy hiasa ianareo, mba hihaino, mba hiaraka aminay sy hivavaka hiaraka aminay, sy ny sisa, raha voatery tsy hiasa ianareo, dia mety tsara izany. Mandrosoa fotsiny dia aza miasa, saingy aza tsy tonga any am-piangonana. Aza tsy tonga any am-piangonana. Tsy hanao anareo ho tara be aho mba tsy hahatongavanareo any am-piangonana. Fa raha voatery tsy hiasa ianareo, matetitetika, dia tsy handratra anareo izany. Ankehitriny, satria, ny asa, mofonareo isan'andro fotsiny izany, ary, ianareo, ny Tompo no nampanantena hanomana an'izany. Koa, fa, ity, tsy maintsy mahazo antoka ny ho tonga any am-piangonana ianareo. Hitanareo?

²⁸ Heveriko, rahampitso maraina, dia hiaraka amin'ny rahalahy tsara hafa iray ato amin'ny tanàna aho. Fa tsy fantattro hoe iza no anarany ankehitriny. Heveriko fa ilay izy dia antsoina hoe Apostolic Church, na Apostolic Church, raha ny marina. Izany dia ilay Apostolic Church. Izaho—mety fantattro ilay rahalahy. Tsy eo amin'ny gazety ny anarany. Fa izaho—tsy fantattro hoe iza ilay rahalahy amin'ity fotoana ity. Avy eo rahampitso hariva, any . . . [Hoy ny rahalahy iray hoe, "Macias."—Mpand.] Azafady? ["Rahalahy Macias."] Rahalahy Macias. Oh, Macias. Oh, ilay fiangonana Meksikana. Marina ve izany? Oh, izany ve ilay anankiray izay naka ny toeran-dRahalahy Garcia rehefa niala teto izy? ["Marina."] Mahafinaritra. Tena mahafinaritra izany.

²⁹ Hono ho'aho, nahazo taratasy iray aho, teto indray andro lasa, avy tamin'ny zananivavy, any . . . Rahalahy Garcia, any—any California, mbola manohy mihazona foana. Noho izany, tena mankasitraka aho. Ary nahita an-dRahalahy sy Ranabavy Garcia aho rehefa tany San Jose, mino aho, niaraka tamin-dRahalahy Borders tany. Salama tsara mihitsy izy ireo. Tsy ho hadinoko mihitsy ireo hariva tany tao amin'ilay fiangonana Meksikana. Tsy mbola nandre "Gloria a Dios" betsaka mihitsy aho tamin'ny fiainako rehetra. Tsy ho hadinoko mihitsy izany, "Gloria a Dios."

³⁰ [Miresaka amin-dRahalahy Branham Rahalahy Williams—Mpand.] Oadray! Misaotra anao, Rahalahy Williams. Tsara izany. Seza dimanjato sy arivo, aninkeo maraina, tato amin'ity fiangonana ity. Hono ho'aho, tongava ny olona rehetra, raha tsy mandeha ianareo . . . Ankehitriny, andraso iray minitra. Tsaratsara kokoa amiko ny mitandrina mikasika an'izany. Nilaza zavatra diso aho arak'izany. Tsia. Amin'ny fahatsoram-po rehetra, dia aoka ho eo amin'ny toeran'andraikitrareo ianareo. Hitanareo? Aza . . . Ankehitriny, mety tsara izany.

³¹ Ary androany dia hitako izy ireo... Nahita tranolay iray. Tany amin'ny Sixteenth sy Henshaw aho. Na, izany ilay izy fony aho tany, teto tany Arizona, teo amin'ny dimy amby telopolo taona lasa izay, lalan-tany trainainy iray. Nandeha tany amin'izay nisy azy ireo aho, ary izany dia ny Sixteenth sy Henshaw. Nipetraka tany aho niaraka tamin'ny olona vitsivitsy, Francisco, ary—ary ankehitriny dia tsy ho fantatrareo intsony ilay toerana iray ihany. Nanova an'ilay anarana mihitsy aza. Heveriko fa ilay izy dia antsoina hoe Buckeye Road ankehitriny.

Ary, oh, zavatra firy no miova, fa Andriamanitra tsy miova.

³² Ary noho izany dia tany aho ary nahita rahalahy iray izay nanao fivoriana anaty tranolay. Nisy rahalahy iray tany izay nanangana tranolay anankiray. Nandeha tany aho mba hijery raha afaka hahita azy, saingy tsy nahita azy aho na taiza na taiza, mba hiteny aminy fa tsy eto izahay hifaninana aminy. Fa, misy olona betsaka eto!

³³ Tsaroako i Jack Shuler. Ho tsara ho anareo olona Metodista ity. Rehefa tonga teto aho indray mandeha, tao amin'ny Madison Square Garden, dia teto i Jack tao amin'ilay—tao amin'ilay sekoly ambony. Ary—ary niantso azy aho. Dia hoy aho hoe, “Rahalahy Jack?”

Hoy izy hoe, “Eny. Rahalahy Branham ve ity?”

Hoy aho hoe, “Eny.” Hoy aho hoe, “Manenjika anao mihitsy aho.”

³⁴ Dia hoy izy hoe, “Tsia.” Hoy izy, “Tsia. Nijanona ela loatra aho ary naka ny fotoanao.”

³⁵ Dia hoy aho hoe, “Oh, miala tsiny aho, Rahalahy Jack.” Hoy aho hoe, “Izaho tsy...”

³⁶ “Ah,” hoy izy—nanao hoe, “mety tsara izany, Rahalahy Branham.” Hoy izy, “Nila ahy nijanona fotsiny izy ireo.”

³⁷ Hoy aho hoe, “Oh, tsy hanelingelina anao any ny vondroko, na ahoana na ahoana, Jack,” hoy aho, “satria saiky Pentekotista ny ahy rehetra.”

Hoy izy hoe, “Mazava ho azy, ny ahy, ihany koa.”

Hoy aho hoe, “Hia?”

“Nahoana,” hoy izy, “azo antoka.” Hoy izy hoe, “Pentekotista aho.”

³⁸ Hoy aho hoe, “Ankehitriny, tsaratsara kokoa aminao ny tsy hamela an'i Bob hahafantatra an'izany.” Ny dadany izany, fantatrareo. Ary izy dia Metodista, ihany koa, mpifikitra mafy mihitsy, fantatrareo.

³⁹ “Eny,” hoy izy, “Rahalahy Branham, tsy fantatrao ve hoe inona ny—inona ny pentekotista iray?”

Hoy aho hoe, “Mihevitra aho fa izany.”

Hoy izy, "Izany dia Ortodoksa Metodista iray."

⁴⁰ Saiky marina izany, Ortodoksa Metodista. Marina izany. Raha nanohy niaraka tamin'ny hafany ny fiangonana Metodista, dia ho efa lasa pentekotista izy. Ilay—izany ilay tena Fiangonana.

⁴¹ Tsy, tsy hoe tsy manaja ny anaram-piangonanareo ankehitriny, rahalahy. Hitanareo? Satria, tsy rafi-pandaminana iray ny pentekosta. Nanandrana nanao an'izany izy ireo, saingy azo antoka fa tsy nahomby izy ireo tao amin'izany. Hitanareo? Fahatsapana iray izany. Hia. Ny pentekosta dia ho an'ireo Katolika, na—na Jiosy, na iza na iza manana... Fahatsapana iray ny pentekosta, fa tsy rafi-pandaminana iray.

⁴² Ary ankehitriny raha manana ny Baibolinareo misokatra ny olona rehetra, na mikatona, ka tianareo ny hamaky Teny vitsivitsy miaraka amiko. Tiako ny mamaky ny Teny, ary ianareo? Satria, na izany aza, izay ho lazaiko dia mety diso, satria olona iray aho. Fa izay Lazainy dia tsy mety diso. Hitanareo? "Ny lanitra sy tany ho levona, fa Ny Teniko tsy ho diso." Oh! Tsy mahafinaritra ve izany? Tsy ho diso mihitsy Ny Teniny. Zavatra iray be voninahitra toy ny inona izany! Tsy ho diso mihitsy Ny Teniny.

⁴³ Ankehitriny dia ndao isika hamaky izao hariva izao avy ao, ary hisintona lohahevitra kely avy ao, izay hangalako lahateny iray, raha sitrak y Tompo. Izany dia ao amin'ny Bokin'ny Amosa, ny faminanian'i Amosa. Ary izy dia velona teo amin'ny fitonjato sy... Heveriko fa izany dia teo amin'ny fito amby valopolo amby fitonjato taona teo talohan'ny fihavian'i Kristy. Ndao isika hamadika ao amin'ny toko faha-3-n'ny Amosa, ny Tenin'ny Tompo tamin'ny alàlan'i Amosa. Ary izaho—tiako ity lehilahy ity. Noheverina ho anankiray amin'ireo mpaminany madinika izy, saingy nanana ny Tenin'ny Tompo tokoa.

Henoy izao teny izay lazain'ny TOMPO manohitra anareo izao, O ry zanak'Isirael, manohitra ny fianakaviana manontolo izay nentiko niakatra avy tany amin'ny tanin'i Egypta, manao hoe,

Ianareo ihany no fantatro... ny fianakaviana rehetra eto an-tany: noho izany dia hosaziako ianareo nohon'ny helokareo rehetra.

Afaka hiaraka handeha ve ny roa, raha tsy nifanaiky izy ireo?

Hierona any an'ala ve ny liona, raha tsy mahita toha izy? mierona ao an-davany ve ny liona tanora, raha tsy mahazo na inona na inona izy?

Mety ho latsaka ao anatin'ny fandrika ety an-tany ve ny vorona, raha tsy misy tadivavarana ho azy? hikatona

ve ny fandrika eto an-tany, raha tsy mahazo na inona na inona?

Ho tsofina ao an-tanàna ve ny trompetra, ka tsy hatahotra ny vahoaka? hisy loza ve ao an-tanàna, ka tsy ny TOMPO no nanao an'izany?

Azo antoka tokoa fa ny Tompo...dia tsy hanao na inona na inona, raha tsy manambara an'ireo tsiambaratelony amin'ny mpaminany mpanompony.

Ny liona mierona, iza no tsy hatahotra? ny Tompo ANDRIAMANITRA no miteny, iza no tsy haminany?

⁴⁴ Enga anie ny Tompo hanampy ny Fitahiany amin'ireo Teny ireo.

⁴⁵ Tsy maintsy lasa tery ny maso keliny, raha namiratra ilay masoandro mahamay tamin'io maraina io ary nampangilatra ny volombavany fotsy sy ny volony, raha teny an-tampon'ilay havoana avaratr'i Samaria izy ka njery an'ilay tanàna. Tsotra ireo fitafiany raha ny marina, ary feno vovoka ny tongony. Tsy nisy betsaka ho jerena izy, saingy izy no nanana ny HOY NY TOMPO HOE ho an'ny vahoaka.

⁴⁶ Samihafa toy ny ahoana amin'ny fitoriana filazantsarantsika moderina amin'izao andro izao! Fiseho iray hafa toy ny inona no ananantsika, noho ny ananany!

⁴⁷ Ity lehilahy kely ity, tsy hafa fa i Amosa, mpaminany marina iray an'ny Tompo, niaraka tamin'ny Tenin'ny Tompo, ho an'io taranaka mpanota io! Io lehilahy kely, tsy nanan-tahotra io dia naminany tamin'ny andron'i Jeroboama faharoa.

⁴⁸ Nanan-tsaina i Jeroboama, tena nanan-tsaina, lehilahy hendry, saingy mpanompo sampy iray izy. Ary nitarika ny fanjakany tany amin'ny faratampony i Jeroboama, saingy tao amin'ny fanompoan-tsampy izy. Nataony tamin'ny fomba ratsy ilay izy. Fa nambinina ny fanjakana teo ambanin'i Jeroboama.

⁴⁹ Ary, mazàna, ny fanambinana dia miteraka fahotana. Olona maro no mihevitra ny fanambinana ho fitahiana. Ho izany izy, raha afaka mitantana azy tsara isika. Fa mazàna dia mitarika mankany amin'ny fahotana izany, manala baraka an'Andriamanitra.

⁵⁰ Niroborobo ny fanjakana tamin'ny androny. Ary, ny vahoaka. Nanao fifanekena iray tamin'ny firenena rehetra nanodidina azy izy.

⁵¹ Ary toy ny ahoana no nivilian'i Isiraely nankao amin'ny fahotana mahatsiravina, niala lavitra an'Andriamanitra, niala lavitra an'ireo Didiny sy Fitsipiny, ka lasa nandeha, tanteraka, teo amin'ny faharatsian-toetra iray. Nandeha teny an-dàlambe ireo vehivavy, tao amin'ireo fitafiany tsara, tsy maotina. Ireo lehilahy dia saiky lasa, niloka sy nisotro. Ireo trano amoron-

dàlana, izany no hiantsoantsika azy amin'izao andro izao, ilay toeran'ny fialam-boly, nisokatra nidanadana ao an-tanàna.

⁵² Tsy raharahan'ny mpitoriteny ny fahotana, nipetraka nisokatra nidanadana fotosiny. Toerana iray tsara tarehy, ivon-toerana malaza an'ireo mpizaha tany, ary nipetraka nisokatra nidanadana izany. Tsy voateny mafy avy teny amin'ny polipitra intsony ny fahotana. Nalalaka izany.

⁵³ Ary rehefa nivoaka ity faminaniana ity, ilay izy dia toy ny hoe tsy... Izany no mety ho zavatra farany izay hany afaka hitranga. Araka ny nolazain'ity mpaminany ity tamin'izy ireo, dia ho izany ilay zavatra farany izay afaka hitranga amin'izy ireo, avy tamin'ny fomba izay nanozonany an'io taranaka io. Fa, kanefa, tao anatin'ny dimampolo taona, dia voafafa manontolo niala tamin'ny tany ny fanjakan'izy ireo.

⁵⁴ Miteny Ny Teniny Andriamanitra. Ary ny Tenin'Andriamanitra dia tahaka ny Voa iray. Ary rehefa voafafy Izany, rehefa tonga niaraka tamin'ny Tenin'ny Tompo io mpaminany io ary niteny an'ireo teny ireo, dia tsy maintsy niseho izy ireo, raha Tenin'Andriamanitra izy ireo. Rehefa ny-voahosotra ny Tenin'ny Tompo, ka ny Tenin'ny Tompo Izany, dia tsy maintsy maka ny Toerany tanteraka amin'ny Vanim-potoany Izany.

⁵⁵ Afaka mahita an'Izany isika, taorian'ny an'arivony taona, maka ny Toerany androany. Tsy maintsy manao an'izany Izy, satria Izany no Tenin'ny Tompo, ary tsy mety levona Izany.

⁵⁶ Niressaka tamiko ny olona iray indray andro, ka nanao hoe, "Diso ny Genesisy, sy ireo andro enina an'ny famoronana, izay Nolazainy."

⁵⁷ Hoy aho hoe, "Genesisy 1 hatramin'ny (Genesisy) 2 dia zavatra samihafa tanteraka mihitsy." Ny toko faha-1 an'ny Genesisy dia manao hoe, "Tamin'ny voalohany Andriamanitra dia namorona ny lanitra sy ny tany," teboka. Ahoana no Nanaovany an'izany, ary oviana no Nanaovany an'izany, miankina Aminy izany. Eny. Avy eo, "Ny tany dia tsy nisy endrika, ary foana," noho izany dia eo isika no manomboka, ho an'ny famoronana. Fa, "Tamin'ny voalohany," hatramin'ny oviana, tsy fantatsika. Ireo voa rehetra izay Nananany tao anatin' tao rehefa nihataka ny rano, niverina teo ambonin'ny tany indray ny fiainana, nameno ny tany. Ary rehefa voafafy ny Tenin'Andriamanitra, dia tsy misy na inona na inona hisakana Azy tsy hitranga.

⁵⁸ Ary tsy avy taiza na taiza ity mpaminany kely tsy nanantahotra ity. Ny zavatra tokana notenenina tamintsika, dia mpiandry ondry iray izy. Tsy fantatsika hoe iza no rainy. Tsy fantatsika hoe iza no reniny. Tsy fantatsika hoe aiza ireo taranany, tsy misy na inona na inona mikasika azy.

⁵⁹ Izany mazàna no fomba ahatongavan'ireo lehilahy izay nirahin'Andriamanitra eo amin'ny sehatra. Tsy avy aiza na aiza izy ireo, ary manjavona amin'ny fomba iray ihany. Tsy nanana filazana mikasika azy isika, izay nitranga.

⁶⁰ Ity Jeroboama lehilahy malaza ity, izay efa—efa hery ara-tsaina lehibe iray, ary nanao ny firenena tao anatin'ny fanambinana izy, kanefa, tao anatin'ny fahotana.

⁶¹ Manontany aho, raha tsy karazany afaka manao tandindona kely fotsiny an'izany amin'ny firenentsika manokana isika izao hariva izao, ny firenentsika manokana, ao amin'ny fahotana arak'izay maha-izy azy. Kanefa, fanambinana, hahazo fampienana iray isika amin'ny hetra, izao ankehitriny izao, henoko. Mazava ho azy, afaka mamaky eny anelanelan'ny andalana ny olona rehetra, ho avy ny fidelianana. Fa, sy ny sisa, ireo zavatra rehetra izay miseho ireo.

⁶² Isirael, mpitory teny, mpisorona, ary ny governemanta dia namela ny Tenin'Andriamanitra tany aoriana, ary nanao marimaritra iraisana. Ary izany no antony nahatonga an'ilay firenena tao amin'ny toerana izay nisy azy, na dia nanana mpisorona maro mihitsy aza izy ireo, ary mpitory teny maro mihitsy arak'izay hany nananan'izy ireo. Fa nilaozan'izy ireo ny Tenin'Andriamanitra, niala lavitra an'Izany. Ary amin'izany fotoana izany foana, no andefasan'Andriamanitra olona iray tsy avy taiza na taiza, mba hamerina azy ao amin'ny lâlany indray. Olona iray tsy manan-tahotra no hitsangana miaraka amin'ny Tenin'ny Tompo ka hanozongozona ny olona hiverina amin'ny Teny indray.

⁶³ Nahamarika an'izany mihitsy aho eto. Nanoratra zavatra iray aho eto, izay angamba tiako hitodihana indray. Izany dia eo amin'ny toko faha-2, ny andinininy faha-4. Tiako ny hamaky an'izany. Henoy ity lehilahy kely ity miteny mazava an'ity.

*Hoy ny Tompo hoe; Noho ireo fahotana telon'i Joda,
ary . . . efatra, dia tsy hahemotro ny fanasaziako noho
izany; satria nanao tsinontsinona ny lâlân'ny Tompo izy
ireo, ary tsy nitandrina ny didiny, ary ny laingany no
nanao azy ireo ho diso, izay efa nandehanan'ny razany:*

⁶⁴ Hitanareo ve hoe taiza ny hafany? Mamerina an'izany avy hatrany, hoe nanalavitra ny Tenin'Andriamanitra izy ireo. Ho an'ny mpamaky Baiboly rehetra, izany dia mampahafantatra anareo fa mpaminany marina iray izy. Naveriny avy hatrany teo amin'ny Teny izy ireo, izay nahalavo azy ireo.

⁶⁵ Oh, niroborobo angamba ny fiangonan'izy ireo. Nanana tranobe tsara angamba izy ireo. Namirapiratra noho i Phoenix angamba ny tanànan'izy ireo. Tao Samaria izany, araka ny fantatsika rehetra, ivon-toerana malaza an'ny mpizaha tany. Mbola izany foana, toerana tsara tarehy.

⁶⁶ Fa, kanefa, niala lavitra an'Andriamanitra izy ireo. Ary nandefa an'ity iraka ity ho azy ireo Andriamanitra. Hafatry ny fananarana iray toy ny inona avy tamin'Andriamanitra! Namoaka azy ireo ity mpaminany kely ity.

⁶⁷ Ankehitriny, nivoaka avy tany an-efitra i Amosa, nankao amin'ilay tanànan'ny famirapiratana. Tsy mahagaga raha nihatery ireo maso keliny nomen'Andriamanitra raha teny antampon'ilay havoana izy. Izy . . .

⁶⁸ Tsy tahaka ny hataon'ny mpizaha tany iray, ireo ramatoa, hilaza hoe, "Jereo ny fantsenana rehetra izay ataon'ireo vehivavy. Jereo ireo fomba vaovao izay ananan'izy ireo eto," na tsy tahaka ny ho eritreretin'ny sasany amin'ireo lehilahy hoe, "Ireo trano fandihizana, sy ny sisa, dia tena malaza ao an-tanàna," na satria mety nipetraka teo amin'ny zoron-dàlana izy ireo ka nandinika ny fandalovan'ilay fananahana hafa, fitsiriritana.

⁶⁹ Fa ity mpaminany ity, nihatery ny masonry noho ny fahotana izay hitany tao amin'ilay tanàna. Tsy nihatery noho ireo zavatra izay noderainy, fa ny mahita hoe lavitra toy ny ahoana no nanalaviran'izy ireo an'Andriamanitra, ireo vahoaka izay nantsoina synofidiana. Efa voamarikareo ve eto? Hoy Izy hoe, "Tsy mahafantatra vahoaka hafa afa-tsy ianareo Aho. Izaho no nitarika anareo nivoaka an'i Egypta, nefo avy eo dia lasa nanalavitra Ahy tahaka an'izao ianareo."

⁷⁰ Ary rehefa ity mpaminany ity, avy tamin'ny mpiandry ondry iray tany amin'ny faritra avaratra, niaraka tamin'ny Tenin'ny Tompo, toy ny ahoana no nijereny an'io tanàna io. Tsy maintsy nikosoka ny hatsembohana izy. Rovidrovitra ireo akanjony. Ary angamba tsy nanam-bola ampy hividianany e-efitrano iray ho an'io alina io. Tsy nanao fasasamihafana taminy mihitsy izany. Nanana hafatra iray izy izay nirehitra tao am-pony, ary tsy maintsy nitondra an'izany izy. Tsy izany ihany, fa ny hosotry ny Fanahy Masina izay namely azy tany an-efitra tany, no nanakatona ny masonry tamin'ny famirapiratan'izao tontolo izao.

⁷¹ Ary ny mpanompon'i Kristy voahosotra rehetra, ny mason'izy ireo dia nohajambaina amin'ireo zavatr'izao tontolo izao. Tsy mahita an'ireo zavatra ireo izy ireo. Tsy mitady an'ireo izy ireo. Zavatra tokana no ananan'izy ireo: Kristy no eo alohan'izy ireo. Izay ihany no hitan'izy ireo. Tsy matahotra na inona na inona izy ireo. Kristy no eo alohan'izy ireo. Tsy maintsy entina eo amin'ny olona ny Hafatra, ary tsy mijanona amin'ny inona na inona izy ireo. Tsy afaka mandoro an'Izany hivoaka amin'izy ireo ianareo. Afaka mametraka azy ireo ao amponja ianareo, ao an-tranomaizina, na inona na inona tianareo. Hivoaka avy ao avy hatrany indray izy ireo. Izany ilay voahosotry ny Tompo. Eny.

⁷² Nijery ny fahalòvana ara-panahin'ilay tanàna izy, ny faharatsiam-pitondrantena, ary ny fahalòvana ara-panahin'ilay tanàna.

⁷³ Manontany aho hoe mpanompon'ny Tompo firy, mitety ny tendrombohitra eto, no hijery an'i Phoenix? Tonga eto ho an'ny famirapiratana ianareo, sy ny tara-masoandro, ary fialantsasatra, izay tsy azontsika amaivanina.

⁷⁴ Teto vao tsy ela akory izay, tamin'ny fotoana farany naha-teto ahy, nипetraka teny ambonin'i South Mountain, ny vadiko mipetraka iry aoriana iry, niresaka taminy aho. Hoy aho hoe, "Teo amin'ny telo na efajato taona lasa teo izay dia toerana tsara tarehy iray ilay lohasaha, tsy isalasalana, rehefa nandalo teto ny Salt River, sy ireo amboadia, sy ny sisa, ary ny famonian'ireo raketa. Jereo hoe ahoana ilay izy...Lasa fivangongoam-pahotana iray ilay zavatra manontolo."

Dia hoy izy hoe, "Eny, noho izany dia inona no mitondra anao eto?"

⁷⁵ Hoy aho hoe, "Ity no mitondra ahy eto. Na dia ao amin'ny aiziny sy ao amin'ny fahotana aza no misy an'ilay tanàna, dia misy ireo fijoroana vavolombelona vitsivitsy mikasika ny Tompo, tsangambato velona an'i Kristy, eo ambany eo. Tonga aho mba hametraka ny soroko miaraka amin'izy ireo, mba hampamiratra ny Hazavan'ny Filazantsara. Ny sasany amin'ireo rahalahy antitra kely any ireo eo amin'ny zoron-dàlana any ho any, no niasa an'izany, sy nitsemboka tamin'izany, ary niantsoantso sy nivavaka ho an'izany, niaraka tamin'ny hafatra iray teo amin'ny fon'izy ireo. Tonga aho hitondra ny anjarako miaraka amin'izy ireo, mba hampamiratra Hazavana iray an'ny Filazantsara tsy mifangaro an'i Jesosy Kristy ho an'ilay faritra an-tanàn-dehibe malaza an'ity tanànan'ny Phoenix ity."

⁷⁶ Ao amin'izany, na izany aza, dia mety ho toerana iray mahafinaritra izy; raha handray fotsiny an'ireo zava-bitany izay efa azony novitaina ny olona, manorina trano tsara tarehy tahaka ny eo ambonin'i Camelback Mountain, Cavalier Mountain. Raha nandalo tany aho, nahoana, dimy amby telopolo taona lasa izay, dia tany efitra iray izany. Nanenjika an'ireo ampondra izahay tany teo ambonin'ny lamosin-tsoaval. Ary teo ambonin'ny South Mountain eto, nihaza ampondra sy soaval.

⁷⁷ Ary ankehitriny ilay izy dia lasa faritra an-tanàn-dehibe iray an'ity tanàna lehibe mahafinaritra ity. Nitombo avo an-tapitrisany heny izy. Nihitatra izy, hany ka ilay fahalòvana manokana an'ireo tanàna ankehitriny no mitondra azy mankany amin'ny fahapotehana iray. Tonga ny setroka. Ny hamandoanareo dia ratsy tahaka ny any Jeffersonville, Indiana, ao amin'ilay Ohio Valley. Ny fitarihan-drano...Ny olona foana no mandoto an'izao tontolo izao. Rehefa nanana azy ireo Indiana, dia toerana iray tsara tarehy izy. Fa rehefa tonga ny

olona fotsy hoditra, dia nitondra ny fahotany izy, sy toaka, ary faharatsiam-pitondran-tena. Ary izy no nandoto ny tany hany ka lasa tsinontsinona afá-tsy saiky lavapiringa iray izy. Zavatra iray ho jerena toy ny inona! Hamafa azy hiala amin'ny tavan'ny tany Andriamanitra, indray andro any.

⁷⁸ Ary mifidy vahoaka iray Izy, amin'ny fahamarinana, izay hanjaka eto ambonin'ny tany, ary manjaka amin'ny maha-Mpanjaka Izy. Maka ny Olony ho an'Ny Anarany Izy ankehitriny, vahoaka iray ho an'Ny Fanjakany.

⁷⁹ Ankehitriny, io vondrona manan-tsaina, mahay, lalin-tsain'i Isirael io ve; ny filohany na mpanjakany malaza, mahery, lalin-tsaina io ve, Jeroboama, izay lehilahy iray nanan-tsaina; ary hihaino an'io mpaminany kely, tsy fantatra io ve izy ireo? Ity hafatra lehibe ity ve, izay mirehitra ao am-pony, ho afaka handeha hitety an'ireo lâlambe ve izy, ary ny olona ve, ireo vehivavy ve, hampiakanjo ny tenany tsara indray, ireo lehilahy ve handao ny trano fisotroana sy ireo toeram-pahotana, ka hiverina amin'Andriamanitra amin'ny toritenin'ity lehilahy kely, tsy fantatra ity? Fanontaniana iray mety efa tonga tao an-tsainy izany, na tonga amin'ny ahy, rehefa mahita azy mitsangana eo aho, ary ny loha keliny, sola mamiratra amin'ny masoandro. Ny volombavany fotsy mihantona manodidina ny palitaony. Mijery manerana eo, ary mijery eo amin'io tanàna io, ka ny masonry tery, ary ny fony midobobokoa.

⁸⁰ Ary kanefa, tao anatiny tao, dia nahita ny Fanjakan'Andriamanitra izy, izay tokony ho voaorina ao, ny rehetra vesaran'ny fahotana. Ary miaraka amin'ny fananarana iray avy amin'Andriamanitra, izay nananatra nanomboka tamin'ilay mpanjaka ka hatrany amin'ilay mpangataka teny an-dàlambe, ny mpisorona rehetra, mpitory teny, mpanjaka, manan-kaja, manam-pahefana, na inona izy na inona, nanana ny ozon'Andriamanitra hapetraka teo amin'izy ireo izy. Satria izy ireo... Hihevitra ve ianareo fa handray azy izy ireo. Oh, ho azon'izy ireo ve izany?

⁸¹ Tsarovy, tsy nanana toro-hevitra izy. Samihafa amin'ireo evanelistsika amin'izao andro izao no nahatongavany. Tsy nanana toro-hevitra avy amin'ireo mpisorona izy. Tsy fantatr'izy ireo akory aza hoe iza ilay lehilahy. Fa nisy Anankiray izay nahafantatra hoe iza izy. Izany dia ilay Anankiray izay naniraka azy. Izay ihany no mikaonty, ho azy, raha mbola fantany foana hoe avy taiza no nanirahana azy. Tsy maintsy mivoaka ny hafany na izany aza, ary tsy mamparinona.

⁸² Tsy nanana taratasy fanendrena ara-anaram-piangonana izy hanohana azy rehefa niditra tao an-tanàna, nanatona ny fikambanan'ny mpitoriteny, nanao hoe, "Ry rahalahiko, nirahin'ity vondrona anankiray ity aho, ity vondrona arapivavahana ity. Mikambana amin'izao-sy-izao aho." Tsy nanana

an'izany izy. Tsy nanana ny iray tamin'ireo zavatra ireo izy. Tsy nanana kara-piombonana iray koa izy mba haneho fa efa nijoro tao amin'ny fiombonana tsara iray mihitsy aza izy niaraka tamin'ny fikambanan'ny mpitoriteny avy tamin'ny faritra izay nihaviany. Tsy nanana fiaraha-miasa ho an'ny asam-pitoriany izy. Tsy nanontany olona iray mihitsy akory aza izy mikasika an'izany.

⁸³ Nitsangana tao amin'ny toerana sarotra iray io lehilahy kely io. Ho ampy hihodinan'ny lehilahy iray izany ka hiverina, ary haka ny ondriny indray, maka avy teo amin'ny nialany, raha ho nieritreritra fotsiny izy.

⁸⁴ Saingy, hitanareo, tsy naka an'ilay eritreritra faharoa ilay lehilahy. Tsy nieritreritra mikasika taratasy fanendrena iray izy, tsy nieritreritra koa mikasika ny kara-piombonana iray. Zavatra tokana ihany no noeritreretiny, ary izany dia ny Tenin'ny Tompo. Andriamanitra no nanome azy an'Izany niaraka tamin'ny didy iray, hoe tsy maintsy mandeha any izy ary maminany. Izay ihany no nanao fahasamihafana ho azy. Nanana ny Tenin'ny Tompo izy, ary noho izany dia tsapany fa tsy nila taratasy fanendrena izy, na toro-hevitra iray, na fiaraha-miasa iray. Ny zavatra tokana nilainy, dia, nanana fiaraha-miasa tamin'Andriamanitra izy, ary izay ihany no nilain'izany. Raha mbola tao amin'ny sitrapon'ny Tompo foana izy, dia inona no fahasamihafana nataon'izany? Raha mbola fantany foana fa avy tamin'Andriamanitra ny hafany, dia Andriamanitra no hanamarina an'io hafatra io. Tsy maintsy Izy.

⁸⁵ Ary rehefa nentiny ilay hafatra, dia toy ny hoe hisy an'ireo mpisorona rehetra, sy mpitory teny, sy ireo mpaminanin'io taona io, ho tonga ary hibebaka, satria ho nahita ny toetran'ilay toerana izy ireo, ny fahitana an'ilay fahalòvan'ny fitondranten. Fa rehefa nanomboka naminany niaraka tamin'ny Tenin'ny Tompo izy, dia vahiny tamin'izy ireo Izany. Tsy nahfantatra na inona na inona mikasika an'Izany izy ireo.

⁸⁶ Tena sary iray an'izany amin'izao andro izao. Vahiny, ilay hafatry ny Tompo! Tsy mahfantatra na inona na inona mikasika an'izany ny fiangonana. Rehefa nandre ny olona mitsangana izy ireo ka manome hafatra iray amin'ny fiteny tsy fantatra, ary manome ny fandikana an'izany, ary milaza fa misy zavatra anankiray vonona ny hitranga, dia manodina ny lohany ny olona ary lasa; mihevitra fa adala ireo olona. Mahita olona iray mitsangana ao amin'ny Fanahy izy ireo ary maminany, na manome hafatra iray avy amin'ny Tompo, nahoana, dia mihevitra ireo olom-piangonana amin'izao andro izao fa mahavery ny sainy ilay olona. Vahiny amin'izy ireo izany, satria saiky eo amin'ilay toerana iray ihany izy ireo, amin'izao andro izao, tahaka ny nisy an'i Samaria tamin'izany andro izany.

⁸⁷ Fa, tsarovy, rehefa ireo firenena no, na ny fiangonan'Andriamanitra no lasa foana tao anatin'io toerana io, dia nahay nanangana mpaminany iray Andriamanitra niaraka tamin'ny Tenin'ny Tompo ho azy ireo. Izany tokoa.

⁸⁸ Adinon'izy ireo izany, efa ela be. Fa tokony nahatsiaro izy ireo, tsy mampaninona na dia afaka njery teo amin'ny bokiny aza izy ireo, ka nahita raha nanana lehilahy iray nivoaka avy tao amin'ny iray tamin'ny sekoliny izy ireo, amin'ny anarana hoe Dr. Amosa, na tsia. Tokony nahafantatra izy ireo, fa, "Andriamanitr'i Abrahama dia mahay manangana zanaka avy amin'ireto vato ireto, na mpaminany, hitondra Ny Teniny."

⁸⁹ Ary io Andriamanitra iray io ihany dia afaka mihitsy izao hariva izao tahaka Azy tamin'izany. Ary izany dia ho, marina tokoa, tsy azo tsara amin'ny olona. Afaka manangana lehilahy Izy, lehilahy voahosotra, hitondra Ny Teniny. Afaka mametrakà ny Teny ao anatin'ny lehilahy iray Izy, maniraka azy, ary manaporofo fa Izy no Andriamanitra, amin'ny alàlan'io olona io izay hanetry ny tenany ary hanolotra ny tenany ho an'Andriamanitra, ka tsy hatahotra ny handray an'Andriamanitra amin'Ny Teniny. Mahay manao an'izany Izy, ary Hataony izany. Izy no nampanantena fa hanao Izy.

⁹⁰ Ary Ireo Teniny, mazava ho azy, dia nohamarinina tamin'izy ireo tamin'izany andro izany. Satria, raha mbola nisy foana io taranaka iray ihany io, dia niseho izay rehetra naminanian'i Amosa.

⁹¹ Manontany aho androany, ankehitriny, hoe raha ho tonga amintsika i Amosa, dia handray azy ve isika androany? Handray an'i Amosa ve i Phoenix? Raha any ho any manerana an'ilay tendrombohitra eto, any ho any, na avy any amin'ny ampahany iray an'ny firenena, no tonga ny lehilahy kely iray, mitafy rovidrovitra tahaka an'izany, hiditra ato ary hiantso an'ireo mpitoriteny ho ao amin'ny lamina, ka manao hoe, "Manana ny Tenin'ny Tompo aho," mihevitra ve ianareo fa handray azy isika? Tsia tokoa.

Ny zavatra voalohany hanontantsika azy dia hoe, "Vondrona inona no iarahanao?"

⁹² Ary ahoana moa raha hitodika izy, hanao hoe, "Ny vondron'ny Lanitra"? Ho karazany vahiny amintsika izany, matahotra aho.

⁹³ Fa tahaka an'izany ilay izy tamin'izany. Ary angamba ho tahaka an'izany ihany ilay izy androany raha tonga eo amin'ny sehatra i Amosa.

⁹⁴ Ndaô isika, nohon'ny amin'izay nolazaiko, hitondra azy eto, vetivety fotsiny, ka hahita an'izay heverintsika fa hataony. Fantatrareo ve izay hataony? Mino aho fa tsy hifanaraka amin'ny fanaontsika manontolo izy. Eny, tompoko. Tsy hifanaraka amin'ireo foto-pampianarantsika ara-anaram-piangonana

izy. Hanameloka ny Metodista izy, Batista, Presbyterana, Loterana, Katolika, ary Pentekotista. Hampiditra an'ilay zavatra manontolo izy. Hampiditra tokoa izy. Tsy hifanaraka amin'ny foto-pampianaran'izy ireo ara-anaram-pianganana izy. Handehaavy hatrany hankao amin'ilay fanorenana ara-pototry ny Teny izy, ary hanomboka eo amin'ny Teny avy hatrany. Hanomboka ny asam-panompoany eo ambonin'ny HOY NY TOMPO HOE izy.

⁹⁵ Nahoana, nahoana, mihevitra ve ianareo fa handray azy i Phoenix? Mihevitra ve ianareo fa handray azy i Louisville; New York, Boston, Massachusetts, na mety ho aiza ilay izy, California? Tsia, tompoko. Hanao an'ilay lehilahy kely ao am-ponja haingana arak'izay ahafahan'izy ireo manao azy ao izy ireo. Hanao tokoa. Hataon'izy ireo tokoa izany. Raha niverina tamin'ny Teny izy, dia azoko antoka fa hanao izy ireo, satria ny vondrona rehetra dia tsy hifanaraka aminy. Tsy hisy anankiray hifanaraka aminy, satria tsy maintsy mihazona ny fombafombany ao amin'ny lamina izy ireo mba tsy hifanaraka amin'ny Teny.

⁹⁶ Tokony hahatsiaro isika fa mpaminany marina iray izy. Raha efa izany izy, ary raha mpaminany iray nirahina avy tamin'Andriamanitra izy, dia ho marika iray ho azy izy, marika iray voafaritra mba ahafantarantsika fa mpaminany iray izy: hijanona amin'ny Teny izy. Satria, teo no nahatongavan'ny Tenin'Andriamanitra, dia tamin'ireo mpaminany.

⁹⁷ Fantatrareo ve izay hataony? Hanapoaka sy hanameloka an'ity taranaka ity izy. Hanameloka ny vehivavy manapabolo tsirairay ato amin'ny firenena izy. Hanameloka ny mpitoky teny ara-anaram-pianganana tsirairay izy. Hanameloka tokoa izy. Hanameloka ny mpifoka sigara tsirairay izy, ny vehivavy tsirairay nanao sorta na pataloa. Handrovitra azy ireo ho potipotika izy. Nahoana? Manohitra ny Teny izany. Marina tokoa.

⁹⁸ Mihevitra ve ianareo fa handray azy isika? Tsia velively. Tsy handray azy izy ireo.

⁹⁹ Hanameloka an'ireo faharatsiam-pitondran-tenan'ny fianganana izy. Hanetsiketsika an'io rantsan-tànama antitra kely mikentrona eo amin'ny tavan'ireo mpitoky teny ireo izy ka hanao hoe, "Ny tianareo ho tenenina amiko ve dia hoe miantso ny tenanareo ho mpanompon'Andriamanitra voahosotra ianareo, nefahitsangana eo amin'ny polipitra ka hamela an'ireo vehivavy hiakanjo mampitanjaka eo anivon'ireo lehilahy, sy ireo zavatra tahaka an'izany? Mamela an'ireo vehivavy tanoranareo hitsangana tahaka an'izany? Hamela an'ireo lehilahy hanambady indroa na intelo ve ianareo, ka ho diakona ao amin'ny fianganana? Ny tianareo ho tenenina amiko ve dia hoe hihazona an'io taratasy fanendrena izay anananareo eny an-

tànananareo io ianareo, ka hanilika ny Tenin'Andriamanitra?" Oh, oadray! Hapoakany ilay zavatra. Eny, tompoko. Ny faharatsiam-pitondran-tenan'ny fiangonana, sy ny faharatsiam-pitondran-tenan'ireo mambra, hapoakany izany. Oadray! Ny mambra tsirairay, ho potehiny. Ny foto-pampianaran'ny seminera tsirairay nataon'olona, ho rovitiny ho potipotika ilay zavatra.

¹⁰⁰ Ankehitriny, dia afaka handray lehilahy iray tahaka an'izany ve ianareo? Tsia. Tsy hanao an'izany izy ireo. Tsy hanao an'izany tokoa izy ireo. Havoakan'izy ireo hiala amin'ny tanàna haingana arak'izay vitany io lehilahy io. Nahoana, hiara-hivory ilay fikambanana, ka hanao hoe, "Hono ho'aho, tsy maintsy manao zavatra mikasika an'io isika. Teneno ny fiangonanareo tsy handeha any hihaino an'izany." Tsia. Tsia. Tsy handray azy isika, tsia velively, tsy handray azy isika. Izany tokoa. Tsy afaka hanao an'izany izy ireo.

¹⁰¹ Henoy izy manapoaka. Oh, tiako izany eto. Mijery eo amin'izay nolazainy mihitsy aho. Hoy izy hoe, "Ilay tena Andriamanitra izay ihamboanareo fa tomponina mihitsy no handrava anareo."

¹⁰² Hilaza an'io zavatra iray ihany io izy androany. Nampiditra ny tenantsika tao anatin'ny zavatra mahafinaritra be loatra isika Amerikana, tranobe goavana be loatra, ary isa goavana ao amin'ireo rafi-pandaminantsika, ary io laza tsara rehetra io, sy mpitoritenin'ny seminera izay niofana hihazona ny filaminany ka tsy milaza na inona na inona mikasika an'izany, satria matahotra ny ho voaroaka avy ao amin'ny fiangonana izy ireo. Izany tokoa. Hapoakany ho potipotika io zavatra io, satria manohitra ny Teny izany. Hapoakany tokoa. Ary ilay tena Andriamanitra izay ihamboantsika fa tomponina mihitsy no—no handoro an'io zavatra io, indray andro any. Hanapoaka an'izany ho potipotika Izy.

¹⁰³ Tsy hanova ny teniny i Amosa, raha teto izy androany. Hijanona tsara amin'ny Teny! Oh! Inona? Henoy izy miteny azy ireo eo hoe, "Nitia anareo Andriamanitra. Nitondra anareo Izy. Nanao anareo ho vahoaka voafidy iray Izy."

¹⁰⁴ Ho tiako ny hihaino azy ao amin'ny fiangonana Pentekotista iray indray mandeha. Mino ianareo fa izy no Amosa, angamba hiala ao an-damosiko ianareo avy eo, vetivety. Hitanareo? Eny, hiteny amin'izy ireo izy. Tsy hisintona totohondry izy. Hanapoaka an'izany mafy arak'izay vitany izy, ka hiteny amin'izy ireo hoe taiza no nahalavoan'izy ireo tamin'ny Teny.

¹⁰⁵ Ilay Andriamanitra izay nitondra anareo nivoaka avy tao amin'ireo trano namboarina ireo, tranom-paty nataon'olona, taona maro lasa izay! Dimampolo taona lasa izay, dia nivoaka avy tao amin'ireo rafitra izay namatotra sy nampidittra an'izao tontolo izao tao anatiny ireo ny rainareo sy ny reninareo. Ary nandefa ny Famindrampony Andriamanitra ka niantso anareo

hivoaka, nanalavitra ny fahotana sy ny karazan-javatra izay—izay tao anatin’ny fiangonana. Nefa ankehitriny dia nitodika niverina avy hatrany ianareo, tahaka ny nataon’i Samaria. Izany, namoaka azy ireo avy tao amin’ireo firenena Andriamanitra, nefo nitodika niverina avy hatrany izy ireo ka nanao fifanekena iray tamin’io firenena io, tahaka antsika amin’izao andro izao, ary miezaka ny mifaninana amin’ireo fiangonana ara-anaram-piangonana goavana ireo. Manorina sekoly goavana kokoa isika. Inona? Tsy mila sekoly goavana isika. Mety tsara izany; tsy manana na inona na inona ho lazaina manohitra an’izany aho.

¹⁰⁶ Fa isaky ny maka mpanorina iray ianareo na mpitarika iray izay mandroso amin’ny androny, eny, hanao tsara izy amin’ny androny, fa, vantany vao lasa izy, amin’izay fotoana izay dia hanorina rafi-pandaminana iray izy ireo eo an-tampon’ny asany. Amin’izay fotoana izay dia hanana andiana Ricky kely iray izy ireo ao anatiny ao, sy ireo Elvis, ka, ny zavatra voalohany fantatrareo, dia ahodin’izy ireo ilay zavatra mba hanaovana azy ho mety amin’ny tenan’izy ireo. Ary avy eo dia tonga ity iray *hafa* ity ka manatsofoka zavatra hafa iray, satria mpianatra mahay malaza avy ao Harvard izy any ho any, na zavatra iray. Ary ny zavatra voalohany, dia manomboka manatsofoka an’ity izy ireo, ary manaisotra an’*Ity*, ary milaza fa *Ity* dia tsy midika an’itsy sy itsy. Miditra avy hatrany ao anatin’ilay lavaka tranainy iray ihany indray ianareo. Eny.

¹⁰⁷ Raha teto i Amosa, dia hanapoaka an’ilay zavatra avy hatrany amin’ny tany mihitsy izy. Tsy nanorina ny asampitoriany mihitsy izy teo ambonin’ny hoe fiangonana firy no mety azony mba hiara-hiasa aminy. Tsy hanorina ny fiangonany eo ambonin’ny rafi-pandaminana anankiray na ampahana sekta sasantsasany an’ny fiangonana mihitsy izy. Ny zavatra hataony, dia hanorina ny asam-panompoany eo ambonin’ny HOY NY TOMPO HOE. Hanohana azy Andriamanitra tahaka ny Nataony isan’andro, hanaporofo fa marina ilay izy. Hoy izy hoe, “Misy olana eo. Misy korontana ao anatin’ny fiangonanareo.”

¹⁰⁸ Inona no holazainy androany? Inona no holazainy miaraka amin’ity Tenin’Andriamanitra mihantona eto anatrehantsika eto ity? Timoty Faharoa 3, izay Nilazany hoe, “Ho kirina izy ireo, mpieboebo, tia fahafinaretana mihoatra noho ny fitiavana an’Andriamanitra; mpanontolo fo, mpanendrikendrika, tsy mahonom-po, ary tsy tia an’ireo izay miezaka haina tsara; manana ny endriky ny toe-panahy araka an’Andriamanitra, nefo handà ny heriny.” Mihevitra ve ianareo fa afaka hitsangana eo amin’ny sehatra ny mpaminany iray ka handingana an’io faminaniana io?

¹⁰⁹ Hilaza izy hoe, “Amin’ity andro ity no tanteraka eo imasonareo Izany,” ahoana fa ho lasa ara-pototra ny fiangonana, ary ahoana ireo zavatra izay hataon’izy ireo. Izy dia-hampahatsiahya anareo an’ireo Tenin’Andriamanitra ireo izy.

Hampahatsiahys anareo an'izay nolazain'Andriamanitra fa Hataony amin'izao andro izao izy, raha nitsangana teo amin'ny sehatra i Amosa. Tsy izany ihany, fa hanaporofo Andriamanitra, amin'ny alàlan'i Amosa, an'izay Nampanantenainy hatao amin'izao andro izao. Izany tokoa. Hanao Izy. Nataony izany tamin'io andro io. Nataony foana izany. Izany tokoa.

Tsy handray an'i Amosa isika raha niakatra teo amin'ny sehatra izy.

¹¹⁰ Ankehitriny, ahoana, “Io endriky ny toe-panahy araka an'Andriamanitra io,” mitsangana ao—ao amin'ny antoko mpihira, ary—ary manerana eo, antoko mpihira lehibe lava akanjo, ary—ary mihira tahaka ny Anjely; nefo mandihy, ny ampitso hariva, tahaka ny devoly. Marina izany. Hitanareo? Izany marina tokoa no fahamarinana. Ny sasany mivoaka manao akanjo lehibe, lava, mivolom-boninkazo tahaka an'izany, ary toy ny hoe karazana Vatan'anjely iray; nefo mitsangana eo ka mandà ny Teny, tahaka ny hataon'ny fanahy ratsy rehetra. “Manana endriky ny toe-panahy araka an'Andriamanitra, nefo handà ny heriny.” Mandehana, miresaka mikasika ny batisan'ny Fanahy Masina, izy ireo, nahoana, izy dia—handroaka anareo hivoaka ny fiangonana izy. Hitanareo? Nahoana? Tsy maintsy izy. Fa hitsangana ao amin'ireo fiangonana ireo izy ireo ka hamela an'ireo mambrany, ao ambany rihana, hanao twist sy rock-and-roll.

¹¹¹ Ary ny antsika mody antsoina hoe Y.M.C.A., manontany aho hoe inona no dikan'io C io. Midira ao amin'izy ireo, tsy afaka handre na inona na inona akory mihitsy aza ianareo afa-tsy ny Anaran'ny Tompo a-... Izany ve ilay Young Men's Cursing Society?

¹¹² Nijanona aho, vao tsy ela akory izay, tao amin'ny hotely iray, teo ampitan'ilay Y.W.C.A. Ary fahafaham-baraka ny mahita an'ireo zazavavy kely any ireo eo ambonin'ny gorodona, teo amin'ny sivy ora teo, miezaka ny manapaka ny ranjony, manao an'ilay twist. Marina izany. Ary izy rehetra ireo, mambram-piangonana, mihira ao amin'ny antoko mpihira, ary nampianatra sekoly Alahady. Tsy misy afa-tsy devoly, mampianatra an'ireo ankizy kely ireo tany teo ambonin'ny gorodona, rafitra iray izaynoforonina, antsoina hoe fivavahana. Izany tokoa. Ny mpaminany marina iray dia hanapoaka an'io zavatra io avy hatrany hiverina hankao amin'ny setroky ny helo izay nihavany. Marina tokoa izany.

¹¹³ Mihevitra ve ianareo fa afaka hitsangana eo amin'ny lampihazo i Amosa ka hitory ny Filazantsara, ary hijery andiana vehivavy mitapa-bolo iray nefo tsy hanameloka an'izany? Mihevitra ve ianareo fa tsy hanonona ny Isaia 5 izy, sy ny Korintiana Voalohany 14? Ary, oh, izy ve tsy—tsy handraraka an'izany ve izy? Izany tokoa. Handraraka izy. Mandeha eny

an-dàlambe ka mahita vehivavy manao an'ireny akanjo kely ireny, mitovy amin'ny lehilahy, tena tery ka mivoaka eo ivelany ny hoditra, saiky; mandeha eo, miolanolana, midoladola, mandeha tahaka an'izany, mampikoritsandrintsana ny tenany, dia mihevitra ve ianareo fa ny lehilahin'Andriamanitra iray dia tsy hitsangana eo amin'ny polipitra ka hanapoaka an'io zavatra io? Nefa, tena mahalana no hany iresahana an'izany avy—avy eo amin'ny polipitra. Ary izany dia ao amin'ireo fiangonana Pentekotista, ihany koa. Marina tokoa izany. Tsy hanao fahasamihafana izany amin'i Amosa. Ah-hah. Ny sasany... Izy no ho anankiray izay hilaza an'izany. Tsy hatahotra izy, satria voahosotry ny Tompo. Ary raha nanana ny HOY NY TOMPO HOE izy, dia tsy maintsy ho ny Tenin'ny Tompo izany.

¹¹⁴ Tonga tao Samaria izy, tsy ny hijery ny famirapiratan'izy ireo, hanisa hoe rafi-pandaminana firy, sy mambra firy no nananan'izy ireo.

¹¹⁵ Araka ny nolazaiko indray hariva, ilay izy dia toy ny hoe, amin'izao andro izao, ilay fiangonana manontolo dia miorina eo ambonin'izany, ilay zavatra lehibe eo anivon'ireo rahalahy amin'izao andro izao, an'ireo fiangonana, dia, "isa, isa," ny anankiray mizezaka hohoatra an'ilay iray hafa. "Isa!" Tsy manisa isa Andriamanitra. Manisa toetra Izy. Ny toetra no tian'Andriamanitra ho hita, olona iray izay Azony ametrahana ny Tànany, olona iray izay hipetraka tsara ela be.

¹¹⁶ Araka ny nolazaintsika hoe, "Fanapahan-kevitra! Mandritry ny taona rehetra, dia nanana fanapahan-kevitra *marobe* izahay." Izany dia *vato*, "fiaikena." Ary inona no mahatsara ny vato tsy misy mpandrafi-bato miaraka amin'ny Tenin'Andriamanitra maranitra, mba handidy azy ho zanakalahin'Andriamanitra iray, na zanakavavin'Andriamanitra iray, ka mametraka azy ao anatin'ilay Fiangonana izay ikambanany? Ny fanakodiavana vato tsy hahavita an'ilay tranobe. Tsy maintsy mandidy azy ireo ianareo ary mamolavola azy ireny.

¹¹⁷ Mila lehilahy isika amin'izao andro izao, lehilahy voahosotra, tahaka an'i Amosa, izay handidy an'ilay izao tontolo izao hiala amin'io vehivavy io ka hanao azy ho zanakavavin'Andriamanitra iray, handidy an'io izao tontolo izao io hiala amin'ilay lehilahy. Tsy mampaninona na mpitantandrahara firy no handroaka azy, na zavatra hafa, hijoro eo amin'ny HOY NY TOMPO HOE izy. Eny.

¹¹⁸ Tsy handray an'i Amosa isika, tsy mihevitra aho, tahaka an'izany. Inona no neverinareo fa hataon'i Amosa raha niditra tao amin'ny fiangonana Pentekotista iray an'izao andro izao izy, izay mihambo fa tarihin'ny Fanahy Masina, nefo avy eo mahita an'io zavatra iray ihany io ao amin'ilay fiangonana Pentekotista izay mihambo fa tarihin'ny Fanahy Masina? Manontany aho. Ankehitriny, afaka miresaka mikasika an'ireo

Batista isika, sy Metodista, ary ny Loterana, saingy, rehefa tonga eo amin'ny varavarantsika manokana maloto ilay izy, amin'izay fotoana izay dia inona ny amin'izany? Lasa nanalavitra ny Tenin'Andriamanitra! Nisy zavatra tsy nety, tany ho any. Marina tokoa izany. Hia. Tonga izy ireo ary manao an'ireo zavatra samihafa rehetra ireo, nefä mihambo fa tarihin'ny Fanahy, mandihy ao amin'ny Fanahy, miteny amin'ny fiteny tsy fantatra mihitsy aza indraindray.

¹¹⁹ Mino ny fitenenana amin'ny fiteny tsy fantatra aho. Mino ny fandihizana ao amin'ny Fanahy aho. Mino ny fikiahana aho. Saingy mbola misy betsaka ny miaraka amin'izany. Marina izany. Raha manao an'ireo zavatra rehetra ireo ianareo, nefä mandà ny Teny, amin'izay fotoana izay dia misy zavatra tsy mety any ho any, manana fanahy ratsy. Ah-hah. Tsy mifanaraka amin'ny Olony amin'ny zavatra tahaka an'izany Andriamanitra, na ahoana na ahoana. Tsia. Tsy mifanaraka Izzy.

¹²⁰ Heveriko fa izao no fotoana izay saiky isian'ny fety iray hafa hivoaka, Boston Tea Party iray hafa, araka ny ilazana azy. Mila anankiray ny fiangonana. Mila fanadiovana tena tsara iray izy.

¹²¹ Rehefa, i Jeanne d'Arc, tamin'ny andro lasa, diso tamin'ny fahafantarana ny fiangonana Katolika hoe olo-masina iray izy fony izy velona, satria nahita fahitana izy, afaka nandika nofy, vehivavy feno ny Fanahy. Ary nampiasa an'ilay ramatoa kely Andriamanitra. Dia nihevitra izy ireo fa mpamosavivavy iray izy. Ary nodoran'izy ireo teo amin'ny tsato-kazo iray izy, satria hoe mpamosavivavy iray. Fantatrareo izany. Ireo pretra Katolika izy tenany no nanao an'izany. Lasa ny an-jato taonany, dia hitan'izy ireo fa olo-masina iray izy. Noho izany, rehefa hanandratra azy izy ireo, dia tsy maintsy nanao fivalozana. Noho izany dia nangadian'izy ireo ny vatan'ireo pretra ka natsipy tany anaty renirano izy ireo, mba hanaovana fivalozana. Hitareo, nandalo mihitsy izany nefä diso tamin'ny fahitana an'izany izy ireo. Saiky nanao an'ilay zavatra iray ihany mihitsy izy ireo tamin'i Masindahy Patrick sy ny sisa rehetra tamin'izy ireo.

¹²² Tsy mahagaga raha hoy Jesosy hoe, "Mandravaka sy mamotsy ny fasan'ireo mpaminany ianareo, nefä ianareo no nanao azy ireo tao." Marina izany. Ny ilaintsika amin'izao andro izao dia Amosa iray izay hamerina ny Tenin'ny Tompo amintsika. Manao tokoa izany.

¹²³ Ankehitriny, ny filazantsika sy ny sisa dia tsy midika na inona na inona raha tsy eo ny Fanahin'Andriamanitra hanohana ny filazantsika. Raha tsy mitaha amin'ny filazantsika ny fiainantsika, amin'izay fotoana izay dia misy zavatra tsy mety ao.

¹²⁴ Jeanne d'Arc no nitondra an'i Frantsa ho revolisionera iray. Nila revolisionera iray izy ireo. Izany marina tokoa no nataon'izy ireo. Nila revolisionera iray izy ireo, ary izy no nitarika an'izany.

Fa taorian'ny revolisionera, teo amin'izay nanaovana an'ilay fahadisoana, dia nila mpanohitra revolisionera izy ireo mba hanitsy—mba hanitsy an'izay nikomian'izy ireo.

¹²⁵ Milaza aho fa ny fiangonana Pentekotista no zavatra akaiky indrindra an'ny Baiboly izay fantatro amin'izao andro izao. Raha tsy izany ilay izy, dia ho tany amin'ny iray hafa aho. Marina izany. Tsy ho nitsangana teto aho handany ny fotoako, hiresaka amin'ny vahoaka Pentekotista, raha tsy nihevitra aho fa nisy fanantenana. Marina izany. Tsara ny Pentekosta. Fa rehefa mila ny Pentekosta hikambana miaraka isika ka rava ireo fombafombantsika, amin'izay fotoana izay dia mila mpanohitra revolisiona isika. Mila mpanohitra iray tonga isika; izaho nanana...tsy fihamboana Pentekotista iray, fa fanadiovana Pentekotista iray tonga.

¹²⁶ Masina Andriamanitra. Izay miaina amin'ny Alàlany dia tsy maintsy miaina masina. Andriamanitra masina iray Izzy. Hoy ny Baiboly hoe, "Raha tsy misy fahamasinana, dia tsy misy olona hahita ny Tompo." Marina izany. Masina Ny Fiainany. Ary raha ao anatinareo Ny Fiainany, dia izany no manao anareo ho masina. Raha tsy misy an'izany, dia tsy mahita ny Tompo ianareo. Ary jereo hoe aiza no alehany.

¹²⁷ Isika dia zavatra iray tahaka ny Isiraely tamin'ireo andro ireo, na izany aza. Nihevitra i Isiraely, satria hoe niroborobo izy ireo, dia nandeha tsara ny zavatra rehetra. Nanana fifanekena iray izy ireo, tamin'ny androny, niaraka tamin'ireo tanàna hafa. Ary nanana fifanekena iray izy ireo. Nanana fifanekena iray tamin'ireo mpitoriteny ny governemanta, tamin'ireo mpisorona, tamin'ireo mpaminany. Dia nihevitra izy ireo fa nety tsara izany. Ary nihevitra izy ireo fa nahafaly ny Tompo mihitsy izany. Fa nanana lehilahy kely iray izy ireo izay nitsangana ka namerina azy ireo indray. Marina izany.

¹²⁸ Satria fotsiny hoe niroborobo izy ireo, dia teo no nanaovantsika fahadisoana iray. Tsy famantaran'ny fitahiana ara-panahy ny fanambinana. Marina izany. Tsy izany na kely aza. Ny fanambinana, indraindray, dia sakana iray.

¹²⁹ Tsaroanareo ve izay nolazain'ny Tompo mikasika ny Isiraely? "Fony mbola kely ianao, fony ianao tsy nanana na inona na inona, fony ianao nandry tao amin'ny ràno manokana temy an-tsaha, tsy nisy olona hanadio anao, Izaho no naka anao. Tamin'izany fotoana izany dia nanompo Ahy ianao. Fa rehefa tena niha-antitra ianao ka nihevitra fa nety tsara ianao ary naharo-tena, tamin'izay fotoana izay dia nilaozanao Aho." Izany foana no nataon'izy ireo.

¹³⁰ Ozia, araka ny noresahako tamin'ny sakafô marainan'ny Business Men indray maraina, lehilahy malaza iray izy. Nifikitra tamin'ny Tompo izy. Fa indray andro rehefa avy nampahatanjaka azy Andriamanitra...Ary ohatra iray lehibe

ho an'i Isaia mpaminany izy. Fa rehefa lasa nahery izy, ka voaorina, dia nanomboka natahotra azy ireo firenena. Nanorina an'ireo rindriny izy ary nanomboka naka an'ireo zavatra mamilapiratra. Las a nihevi-tena izy. Las a njery izy hoe malaza toy ny ahoana izy. Ary tamin'izay fotoana izay dia niezaka izy naka ny toeran'ny mpitory teny. Dia namely azy tamin'ny habokana Andriamanitra, ka maty boka izy. Hitanareo? Tsy tantsika mihitsy ny hisandratra, ao am-pontsika.

¹³¹ Ary indraindray, rehefa mahita an'ireo rafi-pandaminantsika miroborobo isika, dia manomboka milaza isika hoe, "Isika no vondrona goavana. Isika no vondrona Pentekotista goavana indrindra izay misy. Manana betsaka noho ny sisa amin'izy ireo isika." Na, "Tsy afaka ny ho tonga any Andanitra ianareo raha tsy mikambana amin'ny vondronay," na zavatra. Rehefa tonga eo amin'izany ianareo, dia nanasaraka ny tenanareo tamin'ny Tenin'ny Tompo ianareo. Marina. Tsarovy, malalaka be ny bodofootsy mba hitarina ho an'ny rahalahinareo. Marina tokoa izany. Ampidiro izy.

¹³² Oh, toy ny ahoana no ilantsika, amin'izao andro izao, antso iray hiverina amin'ny Tenin'ny Tompo. Jereo, amin'izao andro izao. Ary mila antso iray hiverina ny firenentsika.

¹³³ Hiresaka aho, amin'ny iray amin'ireo hariva ireo, raha vitako, tiako... Manana fiampangana iray aho. Tokony hiandry aho mandra-pahazoako an'ireo mpitory teny rehetra hiaraka. Hia. Te-hiampanga an'ity taranaka ity aho ny amin'ny Ràn'i Jesosy Kristy, ka hanaporofa an'izany aminareo. Hitanareo? Ankehitriny, mety manana aho, hivoaka any ho any hanao an'izany. Fa isika dia, hahita isika raha afaka hanana sakaf maraina isika indray maraina, ho an'ireo mpitoriteny fotsiny. Ary izaho—tiako ny, raha manampy ahy ny Tompo, ny haneho marina tokoa hoe aiza isika—mandeha mankaiza isika, ilay lalan-diso. Tokony hiverina isika. Tsy misy lalana hafa afa-tsy ny miverina. Marina.

¹³⁴ Jereo ny firenentsika amin'izao andro izao. Jereo izay ezahantsika hatao, ilay tena zavatra izay niseho tao amin'ilay taona maizina mihitsy, manakambana ny fiangonana sy ny fanjakana miaraka.

¹³⁵ Jereo ilay fikambanana, firaisana, na ilay-ilay Fivoriamben'ireo Fiangonana Manieran-tany. Miditra ao amin'io Fivoriamben'ireo Fiangonana Manieran-tany io ireo fiangonana rehetra, ka mihevitra izy ireo fa izany no maha-tokana an'Andriamanitra. Satria, ireo fiangonana rehetra, United Brethren, lehilahin'ireo fiangonana ara-pototra, miditra ao amin'io rafi-pandaminana anankiray goavana be io. Izany dia nohon'ny tsy fahampian'ny fahalalana ny Tenin'Andriamanitra. Niteny ny mpaminany fa hiseho io zavatra io, "Hanao sary ho an'ny bibidia izy ireo, ary hahazo fahefana hiteny izany."

¹³⁶ Oh, mihevitra ve ianareo fa afaka hitsangana eo amin'ny polipitra eto i Amosa izao hariva izao, raha teto Phoenix izy, ka ho diso tsy hiantsoantso an'io zavatra io? Ilay izy tsy hoe hanohitra antsika izy, ireo rahalahy, fa hanohitra an'ilay rafitra izay nisintona antsika hanalavitra ny Teny izy. Ho izany no hataony. "Ahoana no ahafahan'ireo lehilahy ireo hiaraka handeha?" Nilaza ny Baiboly eto, ato, Amosa. Hoy ny Tompo hoe, "Teneno ny olona hoe, 'Ahoana no ahafahan'ny roa hiaraka handeha, raha tsy efa nifanaiky izy ireo?"

¹³⁷ Ankehitriny, ahoana no hitondrantsika an'ireo vondrantsika Pentekotista ka hiditra ao amin'ilay Fivoriamben'ireo Fiagonana Maneran-tany, nefà ny antsasak'izy ireo ao anatiny ao, mihoatra noho ny antsasany, dimy amby valopolo na dimy amby sivifolo isan-jato, dia mandà ny fahaterahana ara-virijiny mihitsy aza? Manda izy ireo. Ataoko fa, sivy amby sivifolo isan-jaton'izy ireo no mandà, mandà ny fanasitranana avy amin'Andriamanitra izy ireo. Mandà an'ireo fitsipiky ny Baiboly izy ireo. Mandà ny fitenenana amin'ny fiteny tsy fantatra izy ireo. Ny vondrona Pentekotista irery ihany no mandray an'izany. Ary ahoana no hanakambanantsika ny tenantsika miaraka amin'izy ireo ao anatin'ny tokana iray? Ahoana no hahatonga antsika ho iray miaraka amin'izy ireo? Ahoana no handehanantsika miaraka amin'izy ireo nefà tsy mifanaraka amin'izy ireo? Ahoana no hanaovanareo an'izany? Tsy maintsy handà ny finoana ara-pilazantsara lehibe izay anananareo ianareo, ireo fitsipika ara-pototry ny Baiboly, mba hiarahana amin'izy ireo.

¹³⁸ Teneniko aminareo, miantso isam-batan'olona iray Andriamanitra. Miantso anareo Izzy, amin'ny maha-isam-batan'olona iray, mba hijanonana amin'Ny Teniny sy hijanonana miaraka Aminy.

¹³⁹ Ahoana no ahafahan'Andriamanitra hiaraka amin'izy ireo, nefà ireo fanekekem-pinoany manokana, noforonin'ny fahendreny manokana arak'izao tontolo izao, dia mandà Ny Teniny? Rehefa manaiky foto-pampianaran'ny vondron-dehilahy iray ny fanekekem-pinoana iray, miaraka, ka mandà ny Teny ho marina, amin'izay fotoana izay dia manala an'Andriamanitra aminareo ianareo. Masina Andriamanitra. Ary Andriamanitra, ny Baiboly dia milaza, fa miambina Ny Teniny Izzy, mba hanamarina an'Izany. Ary ahoana no Ahafahany manamarina ny Teny, nefà tsy eo ny Teny? Izany no antony ananantsika mambra raha tokony ho zanaka. Izany dia, manana fanekekem-pinoana isika. Ary ny olona rehetra dia afaka...

¹⁴⁰ Mitady lehilahy mahery izao tontolo izao. Izzy ireo dia miasa ho... Izzy ireo dia mitady zavatra izay afaka hamela azy ireo hifikitra eo amin'ny filazan'izy ireo fa Kristiana ary miaina amin'ny fomba izay tian'izy ireo iainana. Ireo vehivavy dia te-hihetsika tahaka an'i Hollywood nefà mbola mihazona foana fa

manana ny Fanahy Masina izy ireo. Ireo mpitory teny dia tehanorina ny fiangonana goavana indrindra sy manao an'ireo zavatra rehetra ireo, ary manana diakona izay nanambady imbetsaka. Ary—ary afaka manao an'ireo zavatra kely ireo izy ireo ka manao an'*ireto* fitafiana ireto, miantso an'izany ho fanafahana ny vehivavy izy ireo.

¹⁴¹ Mihevitra ve ianareo fa hahatanty an'izany i Amosa? Tsia. Tsy hahatanty tokoa izy. Mihevitra ve ianareo fa hipetraka tsara i Amosa, ka hihaona amin'ireo ambaratongam-pahefana sy ireo eveka any ireo, ary hanao hoe, “Rahalahy, neveriko fa nahavita zavatra lehibe ianareo.”

¹⁴² Hilaza izy hoe, “Ianareo andian-jiolahimboto! Ianareo mpisandoka! Ianareo mpandà ny Finoana!” Hilaza an'ilay zavatra iray ihany izay nolazain'i Mikaiá izy, tamin'io andro io teo anatrehan'ireo mpaminany Hebrewo matikambo efajato.

¹⁴³ Hoy izy ireo hoe, “Ao amin’ny isa, hamaroana no misy, ary misy ny fiarovana.” Izany dia miankina amin’izay tianareoampiharana an’io Soratra io.

¹⁴⁴ Afaka milaza aho hoe, “Nandeha i Jodasy dia nanantona ny tenany; ka mandehana ianareo manao an'ilay zavatra iray ihany.” Tsy ampiharina eo izany.

¹⁴⁵ Ary izany dia tsy ampiharina, hoe, “Ao amin’ny hamaroan’ny mpanolo-tsaina no misy fiarovana.” Ny fiangonana Katolika no manana an'izany mihoatra anareo rehetra raha izany.

¹⁴⁶ Ao amin’ny Tenin’Andriamanitra no misy fiarovana. Hoy ny Baiboly hoe, “Ny Anaran’ny Tompo dia tilikambo mahery. Ny marina mihazakazaka mankao aminy ka voaaro.” Ary izany ihany no toerana tokana voaaro izay fantatro. Nino an'izany foana ireo mpaminany. Rehefa maty i Abrahama, rehefa.... Rehefa maty i Joba, dia nametraka ny tenany tao amin'ilay tany nampanantenaina izy, ny fasany.

¹⁴⁷ Rehefa maty i Abrahama, dia nividy ampanhan-tany teo akaikin'ilay toerana iray ihany mihitsy izy, teo akaikin'i Joba. Inona no nataony? Nandinika an’io mpaminany io izy. Fantany fa lehilahin’Andriamanitra io, ka hoy izy hoe, “Fantatro fa velona ny Mpanavotra ahy, ary hitsangana eto ambonin’ny tany Izy amin’ny andro farany. Na dia ravan’ny kankan’ny hoditra aza ity vatana ity, dia mbola hahita an’Andriamanitra ao amin’nynofoko aho.” Hia. Ary fantatr'i Abrahama izany. Tao no nandevenany an'i Saraha. Nividy ampanhan-tany iray izy, ary nandevina.... Izy, izy tenany, dia nalevina tao.

¹⁴⁸ Isaka, rehefa maty izy, dia nentina niverina izy ka nalevina tao. Isaka niteraka an'i Jakoba.

¹⁴⁹ Ary maty tany Egypta lavitra tany i Jakoba. Fa talohan’ny nahafatesany, dia niantso ny zananilahy mpaminany izy, Josefa. Ary fantany fa mpaminany iray izy, lehilahy ara-

panahy, mandika nofy, ary nahita fahitana, izay tanteraka tsara mihitsy isan'andro. Hoy izy hoe, "Avia eto, ry Josefa, ry zanako mpaminany. Apetraho eto ambonin'ity valahana izay nikasihan'Andriamanitra tsitoha ahy taona maro lasa ity ny tânanao, ka nanova ny anarako avy tamin'ny 'mpamingana' ho 'andriana iray miaraka amin'Andriamanitra.' Apetraho eto ny tânanao ka mianiàna amin'izany Andriamanitra izany fa tsy handevina ahy eto Egypta ianao." Nahoana? Nahoana? Inona no fahasamihafana nataon'izany?

¹⁵⁰ Izany no lazain'izy ireo amin'izao andro izao hoe, "Inona no fahasamihafana ataon'izany?" Manana andian'olona isika, manao azy ireo hikambana amin'ny fiangonana, ary avy teny andàlambe. Matetika ianareo dia manao azy ho zanaky ny helo avo roa heny noho izy teny an-dàlambe. Marina izany. Tena manao fahasamihafana iray.

¹⁵¹ Josefa, rehefa maty izy, dia nanao filazana, nanao hoe, "Indray andro any dia hamangy anareo ny Tompo Andriamanitra." Mpaminany iray izy. Hoy izy hoe, "Hamangy anareo ny Tompo Andriamanitra. Ka aza avelanareo eto ny taolako, fa ento any amin'ilay tany nampanantenaina izy ireo." Nahoana? Fantany fa hivoaka avy ao amin'ilay tany nampanantenaina ilay Voaloham-bokatry ny fitsanganana. Marina tokoa izany.

¹⁵² Jesosy, rehefa maty Izy, ka nitsangana ny marainan'ny Paska, dia nilaza ny Baiboly, hoe, "Maro tamin'ireo olo-masina izay natory tao amin'ny vovoka no nitsangana, ary nivoaka avy tao am-pasana ka niseho tamin'ny maro." Iza izany? Abrahama, Isaka, Jakoba, Josefa. Nahoana? Tao amin'ilay toerana tsara izy ireo.

¹⁵³ Izany no antony ilazako fa manao fahasamihafana iray izany. Aza alevinareo eto fotsiny aho ao amin'ny Metodista iray, Batista, na fiangonana hafa iray. Aleveno ao amin'i Jesosy aho, "Fa ireo izay ao amin'i Kristy no ho entin'Andriamanitra miaraka Aminy rehefa tonga Izy." Ary manao fahasamihafana iray izany. Izany tokoa, manao izany.

Aza mamela olona iray hiteny aminareo hoe, "Satria mikambana amin'ny fiangonana ianareo."

¹⁵⁴ Tsy ho nahatanty an'izany mihitsy i Amosa. Ho nilaza izy hoe, "Ilay tena Andriamanitra ilay lazainareo fa tomoinareo mihitsy . . ."

¹⁵⁵ Hilaza an'ity amin'ny Anaran'ny Tompo aho: Ilay tena Andriamanitra izay natao ho hasehon'ity firenena ity mihitsy no handrava an'ity firenena ity. Handrava an'ireo fiangonana ireo Izy. Handefa ny Fahatezerany amin'ny fitsarana ilay Andriamaniry ny Lanitra ka handrava an'ireo fiangonana ireo, mody-antsoina hoe fiangonana. Tsarovy, raiso ny teniko.

¹⁵⁶ Tsy misy olona afaka mikambana amin'ilay Fiagonana. Mikambana amin'ny trano fialofana iray ianareo. Tsy mikambana amin'ny Fiagonana iray ianareo. Teraka tao amin'ny Fiagonana iray ianareo. Hitanareo? Mikambana amin'ny trano fialofana Metodista ianareo, trano fialofana Batista, trano fialofana Katolika, trano fialofana Pentekotista. Fa teraka tao amin'ilay Fiagonan'Andriamanitra velona ianareo; ary izany no Tadiaviny, izany Fiagonana izany. Noho izany, dia manana trano fialofana isika, fa tsy Fiagonana. Ny zavatra rehetra izay miangona ao anatin'io trano fialofana io, dia mpihatsaravelatsihy sy ny zavatra hafa rehetra. Fa hampahafantariko anareo ity izao ankehitriny izao, araka ny Teny, tsy misy mpihatsaravelatsihy anankiray ao anatin'ilay Fiagonan'Andriamanitra velona. Tsy misy afa-tsy olo-masina Ao.

¹⁵⁷ Ankehitriny, ny maha-mambra no afaka mampiditra anareo. Ary mihevitra ve ianareo—mihevitra ve ianareo fa tsy hanapoaka an'izany i Amosa? Hanozongozona an'io zavatra io hatrany amin'ny fotony izy. Hanao tokoa izy.

¹⁵⁸ Jereo. Rehefa teo amin'ny lâlany ny Isiraely, nankany amin'ny tany nampanantenaina, notarihin'ny Fanahy Masina, dia teo alohan'izy ireo ny Andry Afo, nanaraka azy ireo ny Vatolampy nokapohina.

¹⁵⁹ Ary nivoaka teo i Moaba, izay rahalahy iray. Tsarovy, izy dia ampanhan'i Isiraely, ihany koa. Ampahany izy, satria avy amin'io taranaka Jiosy io, satria zanak'i Lota tamin'ny alàlan'ny zananivavy izy. Izany no niteraka an'i Moaba.

¹⁶⁰ Ary jereo i Balama, ilay mpisorona, nivoaka teo ka nanamboatra alitara iray, nanolotra an'ireo karazana fanatitra iray ihany, tena ara-pototra mihitsy araka ny maha-izy azy. Hitanareo? Ary nanana olo-malaza izy niaraka taminy. Nanana an'ilay mpanjaka izy. Nanana an'ireo lehilahy malaza rehetra izy, ireo andriana sy ireo ionoka, nitsangana niaraka taminy.

¹⁶¹ Saingy nisy Anankiray teo nitsangana niaraka tamin'i Mosesy izay tsy hitany. Izany Ilay nitsangana niaraka tamin'i Amosa. Izany Ilay hitsangana miaraka amin'ny olona rehetra izay eto, izao hariva izao, izay hanohana an'Andriamanitra sy ny fahamarinana. Tsy mampaninona na manan-kaja firy, manampahefana no eo, tsy misy idiran'izany amin'io. Tsy hahavita hanozona an'izay notahian'Andriamanitra izy ireo. Nahoana? Voa velona iray Izany. Tenin'Andriamanitra iray Izany. Hitombo hatrany amin'ny Fahatanterahany Izy. Oh, ireo famantaran'ilay Andriamanitra velona ao amin'ny toby! Izany dia, toy ny hoe nanao ratsy i Isiraely teo. Fa diso tamin'ny fahitana an'io Vatolampy nokapohina io izy ireo, sy io Fanaovam-panavotana izay natao ho an'i Isiraely io. Ary nisy horakoraky ny Mpanjaka tao amin'ny toby. Nomba azy ireo Andriamanitra. Nahoana?

Nanasitrana ny marary Izy, ary nanao fahagagana lehibe, sy famantarana ary fahagagana, ary nihantona teo ambonin'izy ireo ny Andry Afo. Mosesy nanaraka an'ilay Andry Afo. Ireo zanak'Isirael nanaraka an'i Mosesy. Ary teo amin'ny lèlany nankany amin'ny tany nampanantenaina izy ireo, ka tsy nisy na inona na inona hanakana azy ireo. Amena.

¹⁶² Oh, tsy mety ho mora ve no iverenan'izany androany, raha afaka mahazo olona iray eny an-Tànany Andriamanitra, eo amin'ny Fifehezan? Mbola velona foana io Andry Afo io. Mbola tsy miova foana Izy omaly, anio, ary mandrakizay. Mbola velona foana ny Teny.

¹⁶³ Andriamanitra, andefaso Amosa iray izahay izay...izay hanohana ny Fahamarinana sy marina, hanozongozona an'ireo zavatra ireo.

¹⁶⁴ Hoy ianareo hoe, "Afaka ve isika... Karazana vokatra inona no heverinao fa ho azony?"

¹⁶⁵ Eny, hahazo vokatra izy, hany ka hiantso an'ireo rehetra izay voalahatr'Andriamanitra mialoha ho voaantsso izy. Izany no ho azony. "Izay rehetra nomen'ny Ray Ahy no hanatona." Eny.

¹⁶⁶ Teo anatrehan'i Ahaba i Mikaia, fa nankahala azy i Ahaba. Ilay vondron'ny mpitoriteny rehetra dia nanohitra azy. Ary izy rehetra dia voatsindrimandry, ihany koa, saingy tsy nifanaraka tamin'ny Teny ny tsindrimandrin'izy ireo. Ataoko fa, angamba, nidona tamin'ilay zavatra iray ihany i Amosa.

¹⁶⁷ Rehefa nandeha teny an-dàlambe ireo mpisorona, dia nanao hoe, "Ankehitriny, andraso iray minitra. Aiza—aiza... Asehoj ahy ny taratasy fanendrenao. Avy tamin'ny sekoly inona ianao? Taranaka inona no nivoahanao? Ianao ve no... Iza no nanao anao ho mpisorona iray?"

Hilaza izy hoe, "Andriamanitra no nanao ahy ho anankiray."

"Avy tamin'ny sekoly inona ianao?"

¹⁶⁸ "Jehovah Andriamanitra. Manana ny HOY NY TOMPO HOE aho." Hihaino azy ve izy ireo? Tsia tokoa. Tsy te-hihaino an'io zalahy io izy ireo. Tsia tokoa. Izy ireo tsy nila...

¹⁶⁹ Ary, kanefa, mety nilaza ireo lehilahy ireo hoe, "Voatsindrimandry aho. Eny, mikambana amin'ilay fiangonana malaza an'ireo Fariseo eto aho. Jereo hoe toy ny ahoana no nitahian'Andriamanitra anay. Nametraka alitara volamena ao izahay. Nanorina tempoly izahay. Nanao an'ireo zavatra rehetra ireo izahay. Ary, oh, ny rakitray ho an'ny misionera dia lehibe kokoa noho ny sisa amin'ireo fiangonana manerana an'i Jodia rehetra. Eny, manao an'ireto zavatra rehetra ireto izahay eto. Ny olonay dia mpandoa ampahafolon-karena malaza, ary io rehetra io." Kanefa Mikaia na...

¹⁷⁰ Nitsangana teo i Amosa ka nanao hoe, “Ilay Andriamanitra izay ihamboanareo fa tomoinareo dia handrava anareo.” Ary tahaka an’izany no nitrangany.

¹⁷¹ Ankehitriny, tsy manameloka an’ireo fandaharan’ny misionera aho. Tsy manameloka an’ireo fiangonana goavana aho. Fa, ny olana amin’ilay izy dia, mamefatra ny masonry eo amin’izany ny olona, ary eo... miala amin’ny Teny. Ary, farany, dia izany no mampiditra anareo avy hatrany ao amin’io zavatra io, ka mahita ny tenanareo mibolisatra ianareo. Miverena avy hatrany amin’ny Teny. Aza manalavitra an’Izany. Oh, toy ny ahoana no ilantsika antsoantso iray, avy any an-efitra androany. Marina tokoa izany ankehitriny. Izany tokoa.

¹⁷² Ny hafa mandanjalanja, mandanjalanja ny olona. Te-handanjalanja izy ireo. Izany ilay zavatra voalohany izay manao... Izany no nahavery an’ilay fiombonan’ny taranak’olombelona, ka rehefa nampiditra ny fandaharan’ny fandanjalanjana nanohitra ny Teny ho marina i Satana. Ary toa tena mitombona ilay izy.

¹⁷³ Ndao alaintsika fotsiny i Satana, izay mety nolazainy tamin’i Eva, rehefa nofefen’Andriamanitra tamin’ny alàlan’Ny Teniny izy ireo.

¹⁷⁴ Izany no zavatra tokana izay hany nomen’Andriamanitra ny Olony hiarovana azy ireo amin’ny fahavalao, dia ny Teny. Tsy nanome fanekem-pinoana iray ho antsika mihitsy Izy. Tsy nanome antsika afa-tsy Ny Teniny mihitsy Izy. Izay ihany. Ary tsy manam-petra Andriamanitra, faratampon’ny hery, tsy miova. Tsy afaka miova Izy. Ny Fandaharany voalohany dia tanteraka. Tsy voatery nanova an’izany mihitsy Izy.

¹⁷⁵ Ny Fanapahan-keviny voalohany, rehefa nanota ny olona ka niampita an’io hantsana lehibe teo anelanelany sy Andriamanitra io, namela ny tenany tsy hanana lèlana hiverenana, Andriamanitra, feno famindrampo sy fahasoavana, dia nanaiky mpisolo iray. Andriamanitra iray izay feno famindrampo sy fahasoavana irery ihany no afaka nanao zavatra iray tahaka an’izany. Nanaiky mpisolo iray Izy, izany mpisolo izany dia rà. Izany no toerana tokana izay azon’ny olona hidirana amin’ny fiombonana amin’Andriamanitra indray, dia eo ambanin’ny rà nararaka. Ary tsy nisy fotoana iray mihitsy izay nahafahan’ny olona hiombona amin’Andriamanitra, afatsy tamin’ny alàlan’ny rà irery ihany. Ary tena marina izany, eo no iombonany amin’Andriamanitra.

¹⁷⁶ Ankehitriny, namela an’ireo fefy hilatsaka i Eva. Nanomboka nandanjalanja i Eva. Tahaka an’izany no nolazain’i Satana, “Ankehitriny, ianao dia... Tsy mahafantatra ianao. Tsy mbola nanana fianarana ianao. Izaho no profesoran’ilay seminera eto.” Ny azy manokana. “Ary, teneniko aminao, efa nianatra zavatra vitsivitsy izahay tany. Nianatra izahay fa tena

tsara Andriamanitra! Nianatra izahay tao amin'ny semineranay fa tena tsara Andriamanitra! Tsy manantena anao hanao an'izay rehetra Nosoratany eo Izy. Tsy manantena an'izany Izy."

"Hia, saingy," hoy izy, "ny Tompo Andriamanitra no nilaza."

¹⁷⁷ Ankehitriny, ho lasa mpitory teny tsara iray izy, raha nijanona teo amin'Izany. Izany no antony naха-voaheloka azy raha anankiray amin'izao andro izao. Hitanareo? Ampanalaviro an'izany izy. Inona no ho nolazain'i Amosa mikasika an'izany? Maniry aho ny afaka handre azy mandritry ny dimy minitra eo, ary handray feo ny hafany. Hametraka an'izany eo amin'ny horonam-peo mihitsy aho, hamela an'izao tontolo izao handre an'izany. Ah-hah. Amin'izay fotoana izay dia afaka hitohy hangina aho mikasika an'izany, manomboka eo. Mariho. Eny, tompoko, ho nanameloka an'izany izy.

¹⁷⁸ Ary mariho izay nolazainy. Ankehitriny, hoy i Satana hoe... Ankehitriny, tsy afaka nanao an'izany tamin'i Eva izy, fantatralo...

¹⁷⁹ Tsy afaka nanao an'izany tamin'i Adama izy, fa nanao izy tamin'i Eva. Noho izany dia hoy izy tamin'i Eva, ankehitriny hoe, "Ankehitriny dia fantatralo ity." Hoy izy hoe, "Fantatralo, azo antoka fa tsara loatra Andriamanitra ka tsy handratra anao. Andriamanitra... Azo antoka fa tsy ho faty ianao. Fantatralo fa Andriamanitra tsara iray Izy."

¹⁸⁰ Mandre betsaka an'izany isika amin'izao andro izao. Andriamanitra tsara iray Izy. Saingy, mba ho tsara, Izy dia tsy maintsy ho marina, ihany koa. Izany no manao Azy ho tsara. Tsy wishy-washy Izy. Andriamanitra Izy.

¹⁸¹ Ary ankehitriny, "Tsara loatra Andriamanitra ka tsy hanao an'izany aminao." Dia nanomboka izy, nanao hoe, "Nahoana, ho hendry ianao. Hanana fianarana iray ianao. Hanan-tsaina sy ho hendry ianao. Ianao dia—hahafantatra an'ireo zavatra izay tsy fantatralo ianao ankehitriny." Hitanareo?

¹⁸² Zavatra tokana ihany no tokony ho fantany, izany dia ny Teny. Tsy voatery hanana Bakalorean'ny Literatiora isika, sy Ph.D. iray, sy LL.D. iray, ary ireo zavatra hafa rehetra ireo. Fantaro fotsiny ny Tenin'Andriamanitra. Ny ankizy tsotra indrindra, izay afaka mamaky, afaka mahafantatra an'izany, dia mahafantatra.

¹⁸³ Fa, ny fandanjalanjana, ary inona no azon'izy ireo? Inona no azon'izy ireo? Teo mihitsy izy ireo no potika. Ary fantatr'i Satana fa teo mihitsy no nandreseny ny taranak'olombelona. Ary teo no nandreseny azy ireo hatramin'io.

¹⁸⁴ Izany no antony nahatongavan'i Amosa. Satria, ny laza sy ny hevi-bahoaka, ary tsara, filoha na mpanjaka malaza, ary nitondra fanambinana. Hivarotra ny ainy ho an'ny tsaramaso

iray vilia ny olona, tahaka an'i Esao. Tsy miezaka handratra aho, fa miezaka manao ny marina.

¹⁸⁵ Nivarotra ny fizokianareo ianareo Demokraty vao tsy ela akory izay. Marina izany. Ary tsy Repoblikana aho. Kristiana aho. Fa, rahalahy, fahafaham-baraka iray toy ny inona! Ary tsy maintsy nitondra milina hosoka iray handatsaham-bato tahaka an'izany. Fa izany no nilain'i Amerika. Azon'izy ireo izany. Mazàna Izy dia manome izay ilainareo.

¹⁸⁶ Andriamanitra, omeo ahy Ny Teninao. Izany no ilaike. "Avelao aho hanafina Ny Teninao ato am-poko, Tompo, mba tsy hanotako Aminao."

¹⁸⁷ Oh, ireo hafa mandanjalanja. Fa, hitanareo, tsy afaka nandanjalanja i Amosa, satria mpaminany iray izy. Tonga taminy ny Teny. Tsia.

¹⁸⁸ Mitovy amin'ny Teny amin'izao andro izao, tsy maintsy mandika Azy ianareo, avelao ny Fanahy Masina no handika Azy amin'ny alàlan'ny fanamarinana Azy ao amin'ny fiainanareo.

¹⁸⁹ Izany no voalaza, izany, fantatrareo, Jeremia no nilaza tamin'i-tamin'i Hanania mpaminany. Hoy izy hoe, "Rehefa miteny io mpaminany io, ka miseho izay lazainy, amin'izay fotoana izay dia mahafantatra ny mpaminany rehetra fa marina ny azy."

¹⁹⁰ Raha teto i Amosa, dia inona no heverinareo fa ho nataony? Izy dia—ho nijanona amin'ny Teny izy. Izany no ho nataony. Mba fantatrareo moa? Ho niteny tamintsika izy fa efa nampianarina hiala tamin'ny fototry ny Tenin'Andriamanitra tany am-boalohany isika. Ho niteny tamintsika izy fa lavitra an'ilay Fiagonana pentekotista voalohany isika. Izany no ho nolazainy tamintsika Pentekotista. Hanao hoe, "Ankehitriny, efa nanana saiky dimampolo taona izy ireo hampidiranareo ny tenanareo ao amin'ny fifandraisana, nefo tsy mbola tonga eo mihtisy ianareo." Oh, inona no ho nolazainy amin'ny maha-olona ara-anaram-piagonana? Eny, oh, raha tsy hanome an'izany izy, raha tsy handrovitra an'ireo fiagonana izy, noho ireo faharatsiam-pitondran-tenany, nohon'ny nanekena fanekem-pinoana, mikambana amin'ny fiagonana raha tokony ho nateraka tao anatin'izany!

¹⁹¹ Eny, raha nateraka tao anatin'izany ianareo, rahalahy, ranabavy, dia mihetsika hafa ianareo. Ianareo—mijanona amin'ny Teny ianareo. Raha ao anatinareo ny Fanahy Masina, dia mivoky amin'ny Teny irey ihany Izany. Hoy Jesosy hoe, "Tsy ny mofo ihany no hiveloman'ny olona, fa ny Teny rehetra," tsy ampanhan'ny Teny, "fa ny Teny rehetra izay aloaky ny vavan'Andriamanitra."

¹⁹² Izy, satria mpaminany iray, ho nahita an'io zavatra io ao anatintsika izy. An'ny... Mpaminany iray i Amosa.

¹⁹³ Ankehitriny dia hamarana aho, afaka iray minitra, saingy tiako ny hanao an'ireto fanamarihana ireto hiraikitra raha vitako. Holazaiko ilay izy, ka ny Fanahy Masina no tsy maintsy hampiraikitra azy. Te-hanontany zavatra aminareo aho.

¹⁹⁴ Raha tonga teto i Amosa izao hariva izao ka nitsangana teto amin'ity lampihazo ity, raha nandeha nandroso sy niverina teo amin'ireo lâlamben'i Phoenix izy, dia ho hitany ao anatintsika androany, ao amin'ny raharaha-m-pirenentsika, ao amin'ny tontolontsika ara-piangonana, ho hitany ilay tena zavatra izay hitany tao Samaria: voatolotra manontolo ho amin'ny faharatsiam-pitondran-tena, lavitra ny Tenin'Andriamanitra. Ho nahita vondrona tena mpivavaka iray izy. Izy ireo dia, ny tsirairay avy tamin'izy ireo, Israelita. Fa ho nahita ra-ratsy fitondran-tena iray, faharatsiam-pitondran-tena izy. Ho nahita—ho nahita fahalôvana sosialy sy ratsy fitondran-tena eo anivon'ny olona izy. Ho nahita fahalôvana ratsy fitondran-tena eo anivon'ny, eo amin'ny firenena izy. Ho nahita fahalôvana ratsy fitondran-tena miala amin'ny Teny izy. Ho nahita fijangajangana ao am-piangonana izy. Tsy te-hilaza aho... Hia, izy roa; ara-batana, ary ho nahita fijangajangana ara-panahy izy. Ahoana fa handray fanekem-pinoan'olona izy ireo eto, ho fanekem-pinoan'olona, ary hanaiky azy ireny raha tokony ho ny Teny, izany no mijangajanga ara-panahy manohitra an'Andriamanitra. Apokalypsy 17 no miteny an'izany, hoe izy ireo, io janga io, dia nanota, satria, "Tamin'ny fahavetavetany no nampisotroany ny tany tamin'ny divain'ny fahatezerany." Eny. Hitantsika fa ho hafa tanteraka izany. Ho nahita an'izany izy, ilay fahalôvana ratsy fitondran-tena.

¹⁹⁵ Tsy nanome tsiny ny governemanta mihitsy i Amosa, na izany aza. Henoy. Tsy nanome tsiny ny governemanta mihitsy i Amosa, tao amin'ny Sorany rehetra. Fa nanome tsiny ny olona izy nohohn'ny nifidianany governemanta iray tahaka an'izany. Oh, izaho afaka...

¹⁹⁶ Reraka ve ianareo? [Hoy ny fiangonana hoe, "Tsia."—Mpand.] Eny, mihazôna tsara iray minitra fotsiny. Hitanareo?

¹⁹⁷ Aza manome tsiny ny governemantanareo. Tsy afaka manorina trano eo ambonin'ny vatolampy iray ny governemanta nefy ny vahoaka mandatsa-bato ho an'ny fasika. Ny vahoaka no mila an'ilay izy.

¹⁹⁸ Ary matetika aho no milaza zavatra eo amin'ny polipitra, rehefa fantatro fa mipetraka eo ireo rahalahiko, mpitoriteny, lehilahy tsara. Miresaka amin'izy ireo aho, mitondra azy ireo eo amin'ny zorony iray. Ary andraikitro, eo am-pahafantarana an'ireo zavatra ireo, ny miteny an'ireo rahalahiko. Ary miresaka amin'izy ireo aho. Hoy izy ireo hoe, "Rahalahy Branham, fantatray fa marina ny anao, saingy handeha hivoaka

ny fiangonako.” Hitanareo? Hitanareo? Izany no ilainareo. [Elanelana tsy voaraki-peo—Mpand.] Hitanareo? Tsy afaka ianareo. Ny vahoaka ilay izy.

¹⁹⁹ Ankehitriny, raha mihevitra ianareo fa afaka manomboka manorina tranobe iray aho eto eny an-dàlambe ka mivarotra, amin’ireo ramatoa an’izao andro izao, an’ireo kiraro amin’ny fanao fahiny, manarona vodi-tongotra, misy tadiny? Manana hoditra betsaka angamba izy ireo ao anatiny noho—noho izay ananan’ny magazay iray manontolo amin’izao andro izao, kiraro anankiray. Fa raha namidiko dimampolo cents ny anankiray, dia ho faty noana aho. Nahoana? Tsy tianareo izy ireny.

²⁰⁰ Raha nivarotra an’ireny zipo amin’ny fanao fahiny, Mother Hubbard ireny tamin’ireo vehivavy an’izao andro izao aho, dia mihevitra ve ianareo fa hividy azy ireny izy ireo? Tsia tokoa. Mila zavatra izay azony handrotsahana ny tenany ao anatiny ao izy ireo, izay mitovy amin’ny hoditra saosisy. Izy ireo—mila ho tena tery fotsiny mihitsy izy ireo. Mandeha eny an-dàlambe, eo amin’ny efatra na dimy degré samihafa eo, mitosika miditra, mitosika mivoaka, ary mihemotra manao kiraro avo voditongotra, ny lohan’izy ireo mianjonanjona. Izany dia, tsy miteny an’izany ho vazivazy aho. Tsy toerana hivavizaziana ity. Fa izany no fahamarinana. Tsy manana fianarana tsara aho. Izay ihany no fomba tokana azoko hanaovana ny teniko, ho fantatra, fantatrareo izay resahako. Hitanareo? Ankehitriny, marina izany. Tsy hividy an’ireny akanjo ireny izy ireo.

²⁰¹ Indray hariva teo amin’ny lampihazo, nanatona ny vehivavy Indiana kely iray. Te-handray ny tånanay kely aho. Tany amin’ny fiangonan-dRahalahy Groomer, na mety taiza. Niakanjo tahaka ny nanaovan’ny reniko izy. Nieritreritra aho hoe, “Eny, ho tahiana ny fona, ramatoa.” Ary nanasitrana azy teo mihitsy ny Tompo, talohan’ny nahatongavany teo amiko mihitsy. Izy... Hitanareo? Nieritreritra aho hoe, “Izaho—izaho—tsaratsara kokoa amiko ny mipetraka tsara.” Hitanareo? “Miandry ny ahatongavan’ilay fanararaotra fotsiny, indraindray.” Hitanareo? Ary teo ilay izy.

²⁰² Eny, tsy afaka mivarotra an’ireny akanjo ireny ianareo. Mety mivarotra azy ireny amin’ny Indiana iray ianareo, saingy tsy maro loatra amin’izy ireo. Lasa saiky tsy voafehy fotsiny izy ireo tahaka ny sisa amin’izy ireo. Manaraka programan’ny televiziona be loatra ianareo. Ary mivoaka ireo zanakareo, ary ny sasany amin’ireo mpampianatra an-tsekoly moderina, fotsy hoditra, dia tonga, ary io hadalana hafa rehetra io. Tsaratsara kokoa aminareo ny miala, raha tany ianareo tahaka an’i Sitting Bull sy izy ireo, efa ela izay.

²⁰³ Tany Afrika, rehefa nanana an’ilay taranaka mainty hoditra izahay tany, inona no ataon’izy ireo? Mandeha any, ireo misionera, dia famakiana, fanoratana, ary aritmetika. Rehefa

izy... Nahoana, izy ireo, mahafantatra betsaka mikasika ny fitondran-tena izy ireo, ao amin'ireo fokony, noho ny hany azonareo, hany azon'ny Kristianisma entina ho azy ireo. Marina izany. Raha ny iray amin'ireo vehivavy any ireo, raha ao amin'ny fokon'ny Zoulou izy, raha miandry hatramin'ny taona anankiray izy mba hanambady, nefo tsy manana, tsy nisy olona naka azy ho vady, dia tsy maintsy miala avy eo izy. Tsy olon'ny foko iray intsony izy. Tsia, tompoko. Ary rehefa manambady izy, dia tsapainy ny maha-virijiny azy. Ary raha hita fa meloka izy, dia tsy maintsy miteny an'ilay lehilahy izay nanao an'izany, ka vonoina izy roa, miaraka.

²⁰⁴ Hisy famonoana betsaka manodidina eto raha nanana an'izany karazana rafitra izany isika. Tsy mihevitra ve ianareo? Marina izany. Tsy afaka banana mpitondra faty ampy handevenana an'ireo lehilahy sy vehivavy izy ireo. Izany tokoa. "Fa maty ianareo, na ahoana na ahoana, nefo tsy mahafantatra an'izany." Koa izany ilay olana amin'ilay izy. Hitanareo? Fa ankehitriny, tena betsaka, marina izany.

²⁰⁵ Noho izany dia inona no ataonareo? Entiny mankany izy ireo ary ampianariny ao amin'ireo sekoly. Avy eo dia mahita azy ireo eny an-dàlambe ianareo. Manana ny fahotan'ny fokony manokana izy ireo, izay nananan'izy ireo; ary miditra, maka an'ireo fahotan'ny olona fotsy hoditra; ary avy eo dia lasa zanaky ny helo avo folo heny noho ny tamin'ny nanombohany izy ireo. Ny zavatra tokana izay ilain'izy ireo dia Kristy, mba hijanonana eo amin'izay misy azy ireo. Marina.

²⁰⁶ Tahaka an'izany ireo Amerikana Indiana antsika. Raha misy olona iray malahelo, ato amin'ity firenena ity, dia io Indiana io. Azo antoka fa nanana fifanarahana ratsy avy tamin'izany! Izaho tsy... Olona iray fotsiny aho, saingy momba azy ireo aho. Eny, tompoko. Raha mba miantso ahy hiala amin'ny saha ny Tompo, amin'ny fifanarahana tahaka an'izany, ka mifarana ny hafatroy; hamela ahy ho velona ela kokoa Izy, dia handeha hankany amin'ireo Indiana aho. Eny, tompoko. Eny, tompoko. Oadray!

²⁰⁷ Hitantsika izay ho nataon'i Amosa rehefa nantsoina izy. Ho voaheloka ny rafitsika manontolo. Tsia tokoa...

²⁰⁸ Ny governemanta dia tsy afaka manorina (izany no fanamarihako) eo ambonin'ny vatolampy iray, nefo ny firenema mandatsa-bato ho an'ny fasika.

²⁰⁹ Ahoana no hanorenanareo ny fiangonanareo eo ambonin'ilay Vatolampy? Ahoana no mba hitsanganan'ny mpitoky teny eo amin'ny polipitra ka hitory an'ilay Vatolampy, ary hitory eo ambonin'ny fototry ny Filazantsara feno, nefo ny mpanatrika azy, ny sasany amin'ny ireo olony eo, handroaka azy? Ankehitriny, manome tsiny an'ilay mpitoky teny aho nohon'ny tsy nananany fahasahiana, sy ny Fanahin'Andriamanitra, mba hanakatona an'ilay varavarana fotsiny, manao hoe, "Mitadiava

olon-kafa iray hahazaka an'izany karazan-javatra izany fa tsy izaho." Izaho—midera ny mpitory teny iray izay hanao an'izany aho.

²¹⁰ Fa loza ho an'io fiangonana io rehefa miezaka mitondra amin'izy ireo ny Teny ny lehilahin'Andriamanitra iray, nefo avy eo tsy hilahatra amin'Izany izy ireo. Marina izany. Ahoana no hananany fiangonana iray izay iasan'ireo fanomezam-pahasoavana sivy rehetra ireo ao aminy, sy ny sisa, nefo avy eo, izy ireo sy izany, nefo ny fiangonana aza tsy—hiaina am-pahamaotinana sy tsara fitondran-tena, tsy hianatra ny ABD-ny an'ny Filazantsara? Avy eo dia manao hoe, "Raha nanana mpitory teny iray tsaratsara kokoa aho!" Nahoana, fahadisoanareo izany. Marina izany.

²¹¹ Fahadisoan'ny firenentsika izany, ireo Amerikanintsika, fa tonga teto isika ho an'ny fahalalahany'ny fivavahana. Avy amin'ny inona? Ary nanohy niverina avy hatrany isika, ka nametraka ao amin'ny renivohitsika an'ilay tena zavatra izay nahatongavantsika teo mba ho afaka.

²¹² Ity firenena ity dia mitovy amin'i Isiraely tanteraka mihitsy. Izy ireo, Isiraely, dia tonga tao Palestina, nandroaka an'ireo mponina ka naka ny tany. Ny voalohany, izy ireo dia nanana sasantsasany tsara—tsara, lehilahy nifehy azy ireo. Nanana an'i Davida izy ireo, sy Solomona, ary lehilahy malaza. Farany, afaka kelikely, dia nanohy nandatsa-bato izy ireo, ary nanery, sy nifidy, hany ka nanana Ahaba iray izy ireo tany, izay nanambady mpanompo sampy iray. Ankehitriny, lehilahy tena tsara iray i Ahaba. Ny... Oh, izy—te-hanao ny tsara izy, saingy tsy afaka nanao ny tsara, noho io vehivaviny io.

²¹³ Ankehitriny, tsy manana na inona na inona manohitra an'ilay lehilahy izay noresahako minitra vitsy lasa aho. Mety ho lehilahy tsara iray izy. Fa ilay izy dia ilay rafitr'io mpijangajanga aoriany io, izay manodina ny tendany. Izany ilay zavatra izay hanao an'ilay izy. Miditra toy ny hoe mora mihitsy arak'izay vitany, tahaka an'izany, ary mandrodana an'ilay zavatra manontolo.

²¹⁴ Efa fantatrareo ve fa isika dia—isika ankehitriny dia... Tena lehibe ny trosan'ny firenentsika, hany isika ka mandoa na misambo-bola, avy amin'ireo hetra izay ho azontsika efatra ambin'ny folo taona manomboka androany. Inona no hitranga rehefa potika io rafitra io?

²¹⁵ Castro, azo antoka, manohitra azy aho. Kominista iray izy. Marina. Manohitra azy aho. Fa nanao zavatra tsara iray izy rehefa nanova ny vola ka nanala ny volamena, nividy an'ireo trosa ka nanala ny volamena.

²¹⁶ Tokony hanao an'izany isika, raha tsy izany dia misy zavatra iray hipetaka eo amin'ny tavantsika, izany dia, fa ny fiangonana Katolika no manana ny harenan'izao tontolo

izao. Izy no manana ny vola. Izy no manana ny volamena, mba hividianana ny trosantsika indray. Marina tokoa izany. Ary mihevitra ve ianareo fa ireo mpivarotra whisky, sy ireo mpivarotra paraky, ary olo-malazan'ny firenena dia tsy hilefitra, mba hialana amin'ny fatiantoky ny asany rehetra sy fanaovana vola hosoka? Hiverina avy hatrany izy ireo ka haka an'io vola io avy amin'ny fiangonana Katolika, ary amin'izay fotoana izay dia nahalafo izy. Marina. Tsy nilaza mialoha ve ny Baiboly hoe, "Ny harenan'izao tontolo izao"? Tsy politisiana aho, tsy manantsaina koa, fa misaotra ny Tompo aho fa mahafantatra Azy. Ary marina izany. Eo no hisy azy, eo mihitsy. Diniho izany. Diniho ka jereo raha tsy marina izany. Izao fotsiny... Manantena aho fa ho velona isika rehetra mba hahita an'izany, ary tsy mihevitra aho fa tsy maintsy ho velona ela loatra isika.

²¹⁷ Fa ahoana no hanaovanareo? Ahoana no hanorenantsika fiangonana iray? Ahoana no hanorenantsika firenena iray? Ahoana no hanorenantsika firenena iray eo ambonin'izany ankehitriny? Inona no hataantsika mikasika an'izany?

²¹⁸ Tsaratsara kokoa amiko angamba ny mangina, mandeha any an-kafa any ho any. Fa, fantatrareo, efa betsaka no nolazaiko hany ka fantatrareo izay resahako. Hitanareo? Fantatrareo izay tiako lazaina.

²¹⁹ Jereo izay tiantsika. Ianareo, hitanareo ve izay tianareo? Izany no azonareo. Izany no fanirianareo.

²²⁰ Jereo ireo fandaharan'ny televiziona antsika amin'izao andro izao, tsy voasivana. Taloha, dia ratsy ho an'ireo zanatsika izany, tsy namela azy ireo nandeha nankany amin'ny—ny tanana ka hijery an'ireo bioskôpy isika, ireo—ireo fampisehoana sarimihetsika. Fa ankehitriny dia novain'ny devoly avy hatrany izany ka—ka nataony televiziona iray, ary napetrany ao anatin'ny trano tsirairay.

²²¹ Ary ho mety tsara izany, mety tsara ny televiziona, raha mahita an'ilay zavatra tsara eo aminy ianareo. Izany tokoa, izany izy.

²²² Fa inona no ataonareo? Lasa mihalò isan'ora ilay izy, mampiassa ny anaran'Andriamanitra, mianiana, manozona, vehivavy mitanjaka, fihetsika tsy mendrika, izay manapoizina ny sain'ireo ankizy ireo, hany ka nitaiza andiana beatniks iray isika, marina izany, jiolahy. Izany marina tokoa no fahamarinana. Afaka mijery an'izany koa ianareo.

²²³ Mivadika ho andian-jiolahy ny firenentsika manontolo. Ny zazalahy rehetra dia mandeha miaraka amin'ny tepan'ny pataloahany mihantona eo amin'ny valahany, ary ny loha mihantona any aorianana, ary ny volony mihantona midina amin'ny tendany tahaka ny hety volo noleman-drano an-dRtoa. Kennedy iray, ary mandeha eo tahaka an'izany, tahaka ny jiolahy iray, nefá avy eo ve dia miantso an'izany hoe Amerikana? Lavo

niala tamin'ny fahasoavana ianareo. Mibebaha ka miverena amin'Andriamanitra, raha tsy izany dia ho levona ianareo. Izany no antony, isika—te-hanana olona iray isika eto izay hamela antsika hanao ny zavatra rehetra izay tiantsika hatao. Marina izany.

²²⁴ Tahaka an'izany ireo fiangonana. Te-hifidy pasitera iray izy ireo, tsy pasitera iray izay hitsangana eo ka hikapoka azy ireo amin'ny Filazantsara. Fa mila olona iray izy ireo izay hamela azy ireo haninjitra ny tenany ao anatin'ny akanjo fitondra mandro, sy milalao banco ao ambany rihana, ary miaina amin'izay fomba tian'izy ireo, fandaharana televiziona an'ny radio tsy voasivana, ratsy sy maloto, mikambana amin'ny fiangonana sy izao tontolo izao miaraka.

²²⁵ Tsy mahagaga raha nihiakiaka nanohitra an'io karazan-javatra io i Amosa. Mihevitra ve ianareo fa handray azy ny olona rehefa mandatsa-bato ho an'ilay zavatra mihitsy izy ireo?

²²⁶ Raha mitory teny mihoatra ny roapolo minitra ilay pasitera, dia miantso azy ao anatin'ny efitra ny komitin'ny mpitantandrahara ka manao hoe, "Jereo eto, pasitera. Izahay—tsy nitondra anao eto hanao zavatra tahaka an'izany izahay. Manana fandaharana roapolo minitra izahay. Rehefa tapitra izany, dia avelao izy handeha."

²²⁷ Ny ilainy hatao dia ny mandaka an'io andiana mpitantandrahara io hivoaka ny varavarana, ka maka ny Baiboly ary mitory teny mandritry ny alina manontolo, tahaka ny nataon'i Paoly, ary mahita ny fitsanganan'ny maty. Marina tokoa. Mametraka azy any ivelan'ny tranobe izy ireo; ny zorondàlana no mety tsara. "Andriamanitra dia mahay avy amin'ireto vato ireto . . ."

²²⁸ Televiziona, fampisehoana sarimihetsika tsy voasivana, loto, maloto, ary manao ohatra iray. Jereo ireo ankizintsika tanora amin'izao andro izao. Jereo ireo zazavavintsika. Jereo ireo ankizy kely bitika avy any an-tsekoly, tsy mihoatra ny enin-taona, fito, valo, mandrehitra sigara. Nahoana izany? Mety nanao an'izany angamba ireo mamany teo alohany. Raha tsy nanao an'izany izy ireo, amin'izay fotoana izay dia ireo ankizy izay iarahanay. Diniho hoe iza no iarahan'ireo ankizintsika ilalaovana. Marina. Teto indray . . .

²²⁹ Fotoana vitsy lasa izay, fantatry ny vadiko izany, nipetraka teo amin'ny latabatra izahay. Ary namoaka teny iray izay hanao tantsambo mamolava iray ho menatra ny tenany i Joseph keliko. Nitodika aho. Hoy aho hoe, "Inona izany?" Saiky torana ilay reny. Toa tsy nanan-tsiny ilay ankizy kely.

²³⁰ Hoy izy hoe, "Inona ny olana, ry dada?" Ary ranomaso goavana no teo amin'ny masonry.

²³¹ Hoy aho hoe, "Aza milaza zavatra tahaka an'izany intsony ianao." Tsy fantany ny rehetra mikasika an'izany. Hita fa, ireo

ankizy any an-tsekoly no nampiasa an'io teny maloto io. Hoy aho hoe, "Malala, avy amin'ny devoly izany."

²³² Hitanareo, eo ianareo izao, ireo ankizinareo. Izany dia tonga eo amin'ny toerana iray mihitsy, rahalahy, hany ka alika-mihinana-alika fotsiny ilay izy, tena fivangongoampahotana iray fotsiny. Oh, oadray! Fandaharan'ny televiziona, tia fahotana, tia fahafinaretana! Oh, oadray!

²³³ "Tena ampy ny roapolo minitra. Tsy maintsy mahita an'ilay fampisehoana farany aho." Hitanareo? "Haingàna ka avoahy eto io. Tsy maintsy manao an'izany aho." Hitanareo? Nahavita ny fivavahany izy ireo. Nandeha teo izy ireo, ary ampy izay.

²³⁴ Fa, teneniko aminareo, ny tena lehilahy na vehivavy iray izay nateraky ny Fanahin'Andriamanitra dia hipetraka ora sy ora, misotro ao amin'ny Tenin'Andriamanitra. Tsy izany ihany, fa rehefa tonga eo izany, dia mifikitra ary manova ny fiainana. Amena. Eny.

²³⁵ Izany no fanirian'ny vahoakantsika. Lò sy mihalò ny rafitsika manontolo. Izany no ilain'ny vahoakantsika.

²³⁶ Alaivo ny lehilahy tsara iray, atao hoe, ohatra lehilahy tsara iray, apetraho ao amin'ny fianakaviana iray izay andiana tia fahafinaretana izy, hitarika an'io lehilahy io ho eo amin'ny fiainan'alika izy ireo; na, vehivavy tsara iray, ny anankiray, apetraho ao amin'ny fianakaviana izay mikorontana izy ireo. Nahoana, tokony hanolo-tena ho an'Andriamanitra ilay fianakaviana manontolo. Asantsika ny mivavaka, mandrapahatongan'ireo zanantsika ho voavonjy, mihazona ny tranontsika hilamina. Hia.

²³⁷ Isika dia zavatra iray tahaka ny nataon'ny Isirael, izay nanao fifanekena tamin'ireo fahavalony. Voalohany, tsy maintsy niala lavitra ny Teny izy ireo alohan'ny nahafahany nanao an'izany. Ary izany no maneho hoe hatraiza no nanalaviran'i Amerika ny Teny.

²³⁸ Fantatrareo, ianareo—tsy maintsy mandà ny fahamarinana ianareo alohan'ny ahafahanareo hino lainga iray. Marina izany. Marina tokoa izany. Tsy maintsy nandà ny Tenin'Andriamanitra i Eva talohan'ny nahafahany nandray ny laingan'i Satana. Tsy maintsy nanalavitra ny Teny izy ireo tamin'izany, mitovy ankehitriny, mamela an'i Roma hifehy tsy misy tifitra. Tsy mahafantatra ny Tenin'Andriamanitra mikasika an'ireo zavatra ireo izy ireo. Izany ny olana amin'ilay izy.

²³⁹ Mila fisehoana iray an'ny mpaminany marina iray isika, hamerina antsika amin'ny Teny. Marina izany. Nampanantenaina anankiray isika. Nampanantenaina an'izany isika. Eny, tokoa. Malakia 4 no nilaza fa ho avy izy. "Ary izy hamerina ny Finoan'ny olona hiverina amin'ireo ray pentekotista indray."

²⁴⁰ Fantatr'i Amosa fa ny mpitia tsy masina an'i Isiraely no handrava azy indray andro any. Ankehitriny dia mamele à ahy hilaza an'ity amin'ny fanajana. Toy izany koa no ahafantaran'ny mpino iray fa izao tontolo izao, ireo mpitia tsy masina an'i Amerika ireo, no handrava azy. Ny fitiavanareo politika! Hamela an'izany hifikitra iray minitra fotsiny aho. Izany no handrava ny firenena. Ary ny fitiavanareo an'izao tontolo izao, tsy mifanaraka amin'ny Teny sy miezaka hanao izay tsara, no handrava ny fiangonana. Marina tokoa izany. Manantena aho fa azo izany. Ny fiangonana no nandao Azy, nandao Ny Tenin'ny Fiainany. Tafintohina amin'izany izao tontolo rehetra izao, tahaka ny vato manafintohina iray. Manao an'ilay zavatra iray ihany izy ireo amin'izao andro izao. Eny. Raha teto i Amosa, dia ho niantsoantso nanohitra an'ilay rafitra manontolo izy.

²⁴¹ Ankehitriny, eo am-pamaranana, dia tiako ny hilaza an'ity, ao amin'ny andininy 8. Henoy tsara. Hoy izy hoe, "Rehefa mierona ny liona, iza no tsy afaka hatahotra rehefa mierona ny liona?"

²⁴² Ary efa nihaza liona aho. Ny liona no mpanjakan'ny bibidia. Tany Afrika dia nandry tany aho tao amin'ireo tany efitra, tamin'ny alina, teo ambanin'ireo ahitra kely, na tsilo ilay izy.

²⁴³ Hitsambikina avy hatrany eo anoloan'ny basy marovava iray ny liona iray. Tsy matahotra an'izany izy, saingy tsy handeha eo hanakaiky tsilo iray izy. Efa renareo ilay angano. Fa, marina izany, tsy handeha hanakaiky tsilo iray ny liona iray. Manorina tranobongo tsilo tahaka an'izany izy ireo, ka tsy hitsambikina eo amin'izany ny liona. Amin'ny teny hafa, afaka tonga izy, manatona eo mihitsy.

²⁴⁴ Izaho sy Billy. Tsaroako aho nandry tany indray alina, ary nandre ny vavany goavana nisokatra teo mihitsy, lavitra tahaka an'izao avy teo amin'ny lohako, hitanareo, fa izy—tsy nanakaiky izy. Ny tongony antitra goavana, saiky tahaka an'izao, nandehandeha teo amin'ny tany.

²⁴⁵ Ary afaka mandre ny zavatra rehetra avy amin'ireo alikadia ianareo, ilay alikadia mihomehy, ilay alikadia miantsoantso, ary—ary izy ireo—mihiakiaka izy ireo. Ary—ary mandre an'ireo babakoto ianareo, ireo gidro, sy—sy zirafy, ary ireo elefanta miaraka amin'ireo fitaraindrainana ary "hoii." Afaka mandre azy ireo any amin'ny maily maro ianareo. Ary ireo bibikely sy voangory amin'ny karazany rehetra manao an'ireo tabatabany. Fa avelao hierona ny liona iray avy lavitra, na dia ireo voangory aza dia hitsahatra tsy hihorakoraka. Mihaino izy ireo. Nahoana? Ny mpanjakan'izy ireo izany. Mihaino an'izany izy ireo.

²⁴⁶ Hoy ny Baiboly hoe, "Rehefa Andriamanitra... Rehefa mierona ny liona, iza no tsy hatahotra? Ary rehefa miteny Andriamanitra, dia ahoana no ahafahantsika hisakana tsy haminany?" Ahoana no ahafahantsika hisakana an'izany?

Rehefa miteny Andriamanitra, dia miantsoantso mafy ny Teny voambara ny mpaminany. Ary raha Izany no Tenin'Andriamanitra...

²⁴⁷ Ary mierona ny liona; ireo voangory, ny zavatra rehetra, dia mangina, satria matahotra izy ireo. Ny—ny—ny mpanjakan'izy ireo no—no miteny. Manana ny—ny saina ampy izy ireo, ny fahasahiana, ary ny fanajana ampy, mba hanajana ny mpanjakan'izy ireo rehefa miteny izy.

²⁴⁸ Noho izany, miteny amin'ny alàlan'Ny Teniny Andriamanitra, ka aoka ny zava-boaharin'ny Famoronany rehetra hitandrina. Miteny Izy amin'izao andro farany izao. Mamoaka Ny Teniny Izy. Ary aoka ny zava-boahary rehetra izay an'Ny Fanjakany hitandrina an'izay Lazainy. Mijanònà. Mandiniha tena. Mierona Izy ankehitriny, mierona amin'ny alàlan'Ny Teniny voamarina. Mampahafantatra ny Tenany Izy. Rehefa mierona Izy ao amin'ireto andro farany ireto, dia aoka hitandrina isika, ka ahafantatra fa misy zavatra vonona ny hitranga, mahafantatra fa tsy manao an'izany mihitsy Andriamanitra raha tsy mierona Izy aloha. Rehefa mierona Izy, amin'izay fotoana izay dia misy zavatra manaraka an'io fieronana io, eny, satria mandroso Izy amin'io fotoana io.

²⁴⁹ Hoy Izy hoe, “Manao ny—ny...Mierona ve ny liona iray ankehitriny nefá tsy misy antony? Miantsoantso ve ny liona tanora iray, avy ao amin'ny zohy, alohan'ny ahazoany zavatra iray?” Hitanareo?

²⁵⁰ Manana antony iray ieronana Andriamanitra, satria Fantany fa antomotra ny fitsarana. Ary, Ny Teniny, Ny Teniny dia mpaminany iray. Izany Izy. “*Ity* no faminanian'i Jesosy Kristy.” Fanambarana iray izany, Andriamanitra manambara ny Tenany amintsika amin'ny alàlan'Ny Teniny voasoratra. Ary Izy no Teny. Ary, ankehitriny, *ity* No Teniny. Tsy misy na inona na inona azo anampiana amin'Izany na anesorana avy amin'Izany, fa tsy maintsy iainana Izany ary mahitsy arak'izay maha-izy Azy mihitsy. Tsy sahy isika, hanaisotra zavatra avy amin'Izany na hanampy zavatra amin'Izany. Mbola Andriamanitra foana Andriamanitra. Mierona Izy.

²⁵¹ Hoy Izy hoe, “Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona. Nihinana izy ireo, nisotro, nanambady, namoaka hanambady, ireo faharatsiam-pitondran-tena.”

²⁵² “Ary tahaka ny tamin'ny andron'i Lota,” Izy Tenany no tonga tao anatin'ny vatan'ny nofo iray, ary nanamarina ny Tenany tamin'i Abrahama tany. Nanao hoe, “Ho toy izany koa amin'ny fihavian'ny Zanak'olona.” Diniho ireo zavatra ireo. Mamiratra ireo Hazavan'ny hariva.

²⁵³ Oh, raha nanana an'i Amosa teo amin'ny sehatra isika androany, namela azy hierona, dia ho namotika an'ireo

rafitsika manontolo sy ireo fombafombantsika izy, ka ny Tenin'Andriamanitra no ho mpandresy.

Ndao isika hivavaka.

²⁵⁴ Ray any An-danitra, mitenena indray. Mierònà, Tompo, miaraka amin'ny Fanahy Masina. Izy no Mpaminanin'ny ora. Izy no Mpaminanin'ny andro, miezaka ny hahita ny Lâlany hiditra ao am-pon'ny lehilahy sy vehivavy, izay Azony itenenana ny Fahamarinana. Tena faly aho fa mahita sasantsasany Izy. Mivavaka aho, Ray any An-danitra, mba Hahitany maro ato izao hariva izao, mba Ahafahany mampiasa olona iray izay vonona ny hanaja. Rehefa mandre ny fieronan'ilay Andriamanitra tsitoha mandroso amin'ny alâlan'Ny Teniny izy ireo, dia antomotra ny fitsarana.

²⁵⁵ Rehefa mierona ny liona, dia mandroso izy. Ny tsirairay—ny zava-boahary tsirairay dia mahafantatra fa tsaratsara kokoa aminy ny miafina, satria mandroso ny mpanjaka iray.

²⁵⁶ Andriamanitra, faritra voaaro tokana ihany no anananay, rehefa mierona ilay Mpanjakan'ny mpanjaka, izany dia ny Ràn'i Jesosy Kristy. Manana faritra voaaro iray izahay. Mivavaka aho, Ray any An-danitra, mba Hitenenanao amin'ireo fo izao hariva izao. Ary aoka izy ireo hahafantatra fa velona ao amin'ny aloky ny Fihavian'i Kristy izy ireo, rehefa rava ireo firenena, ary miseho ireo zavatra, araka ny iseohoany. Ary, kanefa, amin'ny Famindramponao malefaka . . .

²⁵⁷ Nanota be loatra izahay, ilay izy dia toy ny hoe nanodina ny Lamosinao taminay Ianao, ka namela anay nanalavitra. Fa, mbola, tahaka Anao tany Edena tany aorianana tany, dia manao lâlana handosirana iray Ianao. Nanao lâlana handosirana iray Ianao ho an'i Noa. Nanao anankiray Ianao ho an'i Mosesy, sy ho an'i Daniela, ireo zanaka Hebreo. Ianao, manao lâlana iray tsy ankitsahatra Ianao. Ary ireo izay mahita an'Izany, dia mandeha ao amin'ny Hazavan'Andriamanitra izy ireo ka manana Fiainana. Ireo izay mandà an'Izany, dia voaheloka sy nolavina.

²⁵⁸ Mivavaka aho, Ray any An-danitra, mba tsy hisy anankiray amin'ireo ato izao hariva izao, izay nolavina. Enga anie izy ireo handre moramora ny fieronan'Andriamanitra, ny Fanahy Masina miteny ao am-pon'izy ireo, ka manao hoe, "Izaho ity. Aza matahotra. Izaho izany." Fa mangataka an'izany amin'ny Anaran'i Jesosy izahay. Amena.

²⁵⁹ Hajanoko ny antso eny amin'ny alitara mandritry ny folo minitra eo. Tara kely aho. Saingy mino aho fa nizara karatratra fangataham-bavaka i Billy hariva vitsy lasa izay, na zavatra hafa, tany amin-dry Rahalahy Groomer. Ary heveriko fa nizara azy ireo izy omaly hariva. Tsy niantso azy ireo mihitsy aho. Izaho tsy . . . Ataoko fa nizara azy ireo indray izy izao hariva izao. Tsy fantatro na nanao izy na tsia, fa ndao isika

hiantso ny sasantsasany amin'ireo karatra ireo. Eto ve Rahalahy Groomer? Groomer? Tsia, tsia. Groomer. Eto ve izy? Avy taiza no nanombohantsika? Nanomboka tamin'ny nomerao... Tsy nanomboka tamin'ny nomerao iray ve isika, teo?

²⁶⁰ Omaly hariva, tsy nanana karatra fangataham-bavaka isika. Isika... Nandeha nankeo amin'ny mpanatrika avy hatrany fotsiny ny Fanahy Masina ka niantso ny olona. Tianareo ve izany? [Hoy ny fiangonana hoe, "Amena."—Mpand.] Izaho dia tia, ihany koa. Ary mitory teny mafy tahaka an'izany, izay angamba misalasala kely eo amin'izany aho.

²⁶¹ Izaho—raha izaho no manome karatra fangataham-bavaka ho an'ny olona, dia voatery hivavaka ho an'io olona io aho. Izay ihany. Raha tsy manana famantarana isika, dia mety tsara izany. Fa voatery hivavaka ho an'ilay olona aho. Raha ny zanakolahy no mizara karatra fangataham-bavaka, izaho—tsy maintsy mivavaka ho an'io olona io aho. Izay ihany. Noho izany, izaho—mahatsapa ho tahaka an'izany aho. Hataoko izany, amin'ny fanampian'Andriamanitra. Alohan'ny ialako amin'ny faritra eto, izaho dia—hataoko izany.

²⁶² Ankehitriny, tsy afaka haka ela loatra isika. Ndao jerentsika, nanomboka tamin'ny iray ka hatramin'ny dimy amby roapolio isika, mino aho fa izay ilay izy, tamin'io hariva io. Hia, iray ka hatramin'ny dimy amby roapolio. Izaho... Rahalahy Groomer, eto ve ianao? Rahalahy Groomer? Tsy manonona an'izany tsara aho. Saingy heveriko fa marina izany. Iray...

²⁶³ Eny, ndao isika hanomboka any an-kafa any ho any izao hariva izao. Ndao isika hanomboka, ndao isika hanomboka amin'ny dimy amby fitopolo, arak'izany, hatrany amin'ny zato. Iza no manana karatra fangataham-bavaka dimy amby fitopolo, atsangano ny tånananao. Ndao jerentsika raha... Eny, mety izany. Tsara izany. Eny àry, avia eto, ramatoa. Dimy amby fitopolo, efatra amby fitopolo, fitopolo-... dimy amby fitopolo fotsiny. Ankehitriny enina amby fitopolo, fito amby fitopolo, valo amby fitopolo, sivy amby fitopolo, valopolo, iraika amby valopolo, roa amby valopolo, telo amby valopolo, efatra amby valopolo, dimy amby valopolo, enina amby valopolo, fito amby valopolo, valo amby valopolo, mitohy hatrany amin'ny zato. Aoka izy ireo ho avy eto. Aiza i Billy Paul? Miala tsiny aho. Eka. Alaivo, midina eo. Aoka hanampy azy ny mpampiditra olona sasany mandrapiditr'izy ireo ao amin'ny laharam-bavaka.

²⁶⁴ Ankehitriny, ny sisa aminareo, mijere aty amiko iray minitra fotsiny. Hia. Tianareo ve Izy? Ndao isika hihiro moramora, milamina fotsiny, iray minitra fotsiny, raha midina eo ny sasany aminareo rahalahy mpampiditra olona. Oh, misaotra anareo. Voalahany izy ireo, eo ambany eo, noho izany izy ireo... Noho izany dia tsy hikorontana ireo laharana. Te-hivavaka ho an'ireo olona ireo aho. Avy eo, rahampitso, dia hivavaka ho an'ny

marary mitovy amin'izao angamba izahay, ary mitohy sy mitohy, mandra-panombok'ilay favoriana. Ary izaho . . .

²⁶⁵ Angamba Rahalahy Roberts dia mety hanana laharam-bavaka iray eto, ihany koa, any amin'ilay—any amin'ilay toerana. Nieritreritra aho hoe izahay roa dia hanana anankiray miaraka, ny iray eo amin'ny ilany iray, ary ny iray eo amin'ilay hafa. Saingy izaho—tsy fantattro na ho tiandy izany na tsia. Efa niresaka taminy aho, ary tsaratsara ho ahy ny miresaka aminy aloha, hitanareo. Rahalahy iray mahafinaritra Rahalahy Oral, tena mpanompon'i Kristy. Ary ho tena hanetry tena izy hanao an'izany, saingy karazany halako fotsiny ny mampiditra ny tenako eo miaraka amin'ny lehilahy tahaka an'izany, hitanareo. Noho izany dia tsaratsara kokoa ho ahy fotsiny angamba ny mamela an'ilay izy hipetraka tsara. Eny, raha niteny tamiko izy, raha nangataka tamiko izy hoe, "Rahalahy Branham, avia ampio aho," izaho dia—dia ho faly aho ny hanao an'izany. Fa, ankehitriny, rahalahy manetry tena sy tena malemy fanahy izy. Ary raha nangataka ahy hanao an'izany izy, izaho, mazava ho azy, ho nataoko izany. Saingy tiako izy no hangataka ahy, aloha, hitanareo. Tsaratsara kokoa ho ahy ny tsy milaza na inona na inona mikasika an'izany. Aza miteny aminy an'izany, ankehitriny. Avelao fotsiny—avelao fotsiny izy hangataka ahy, amin'izay fotoana izay vao fantattro fa mety tsara ilay izy. Hitanareo?

²⁶⁶ Fa ankehitriny—ankehitriny dia ho hitantsika. Firy no mandray... Eny, ankehitriny, ndao jerentsika. Karatra fangataham-bavaka firy no misy ato amin'ny tranobe? Ndao jerentsika ny tānanareo. Oh, tena misy vitsy amboniny mihitsy, angamba dimampolo amboniny. Efapolo, dimampolo amboniny, angamba. Oh, hia, angamba telopolo amboniny. Eny àry. Ankehitriny isika dia haka—isika dia haka . . .

²⁶⁷ Halaintsika izy ireo. Ankehitriny isika dia . . . Hazony fotsiny ny karatrareo, raha tsy voaantso ianareo. Hitanareo, amin'ny folo sy folo izao, ary izaho—tiako ianareo ho any amin'ny sekoly Alahady amin'ny maraina. Ary angamba rahampitso, hanana fotoana roa, mety ho vitantsika ireo karatra rehetra izay nomentsika azy ireo amin'izay fotoana izay, ary avy eo—avy eo dia hanomboka vaovao indray amin'ny Alatsinainy.

²⁶⁸ Aiza isika amin'ny Alatsinainy hariva? Oh, isika dia any, atao hoe, any Tucson. Aza adino ny mandeha any Tucson ankehitriny, mankany amin'ilay favoriana any. Misy olona avy any Tucson ve eto? Hia. Azo antoka. Toeran-jaridainan'izao tontolo izao, tokoa, tokony ho avy any ianareo. Hanenjika ahy Rahalahy Carl Williams nohon'ny amin'izany, indray andro any. Rehefa tonga teto voalohany aho, dia tanàna mpifandrafy izy ireo, ary hitako fa mbola izany foana izy ireo.

²⁶⁹ Efa zatra an'izany aho. Ny ekipan'ny baolina anay, baseball, na basketball any an-trano, ireo tanàna mpifandrafy ireo, Jeffersonville sy New Albany, oh, oadray, oadray, oadray! Fioo! Tsy nisy mihitsy alina iray ka tsy nisy andiana ady goavana, rehefa manana lalao izy ireo, noho izany dia tsy fantattro hoe aiza no mba mety hisian'izany.

²⁷⁰ Eo amin'izany tsy ankitsahatra izy ireo, fantattro, any Tucson. Fa i Phoenix dia mihoatra an'i Tucson matetika, mino aho, satria aho... Tucson, tsy mihevitra aho fa iray ampahatelon'ny haben'i Phoenix izy. Saingy...

²⁷¹ Mandeha any izahay, satria manana vahoaka sasantsasany tsara, masina izy ireo any, azoko antoka. Na taiza na taiza nandehanako teto amin'izao tontolo izao, hatrany amin'ireo aty alan'i Afrika mihitsy, dia mbola mahita azy ireo foana aho. Oh, oadray! Maniry aho ny afaka hiantso ny vadiko ho tonga eto ka hihira an'io hira io ho anareo indray hariva hoe, "Avy any Atsinanana sy Andrefana izy ireo, avy any amin'ny tany lavitra." Ankehitriny, hitsangana izy ka hitsoaka hivoaka rehefa nilaza an'izany aho.

²⁷² Noho izany, matahotra mafy an-dRahalahy Rose izy. Hoy Rahalahy Rose hoe, "Eto Ranabavy Branham. Hiantso azy ho avy isika, hilaza teny iray."

²⁷³ Hoy izy hoe, "Tara fitsambikinana teo amin'ny dimy ambin'ny folo teo ny foko." Hoy izy, "Nanondrika ny lohako aho." Hoy izy, "Bill, raha mba any ho any ao amin'ny favoriana izy," hoy izy, "dia azo antoka fa hiafina aho." Tena saro-kenatra izy. Noho izany, izaho—izaho—handre avy amin'ity aho rehefa tonga any an-trano.

²⁷⁴ Manantena aho fa ianareo olona tanora rehetra... Milaza an'izao aho, tsy satria hoe eto izy. Fantatrareo izany, ary izay rehetra mahafantatra azy. Manantena aho fa ny lehilahy tanora tsirairay ato amin'ity tranobe ity, rehefa manambady ny vadiny izy, dia malemy fanahy aminy izy, ary ianareo dia miaraka am-pahasambarana, tahaka ahy sy ny vadiko nandrity'reeo taona ireo. Raha misy laza tsara homena ny fianakaviana Branham, dia aoka ho any aminy izany. Izy no mpanjakavavy. Izany tokoa izy. Zavatra anankiray, tena reny iray izy. Ary avy eo dia jereo izay tsy maintsy hiaretany, hitanareo, ary avy eo, eny, ianareo dia—ho gaga ianareo hoe inona izany. Nahoana, ireo olona eo am-baravarana, andro aman'alina. Ary mitsangana eo anelanelako sy ny be sy ny maro izy, hitanareo, izay any, any an-trano. Noho izany dia asa iray sarotra marina tokoa izany.

²⁷⁵ Ary Billy Paul antitra kely, mieritreritra aho, matetika, nitondra azy teo aho, rehefa maty ny reniny, zaza kely iray fotsiny. Hoy Dr. Adair taloha hoe, "Lehilahy hafahafa iray ianao." Ary teny an-dàlambe aho, nitondra azy, ary izy nitaky

ny reniny, ary toetr'andro nangatsiaka izany, fantatrareo, izaho nihazona azy teo ambonin'ny soroko, tahaka an'izao.

²⁷⁶ Ary tsy nanam-bola ampy hitehirizana ny . . . na hividianana tena biberao iray ho azy. Nanana tavoahangy Coke iray aho niaraka tamin'ny fitsentsefana iray teo amboniny. Napetrako *tato* izany, ary notehiriziko tao ambanin'ny sandriko, nitahiry azy hafana. Vao nanomboka nitomany be loatra izy, dia manakatra aho, mamekaza an'io fitsentsefana io tao amin'ny vavany. Mamela azy hinono vetivety, ary mamerina an'ilay tavoahangy *ato*. Ary nanana ronono aho nanerana ahy manontolo, sy ny zavatra rehetra, fantatrareo.

²⁷⁷ Nohazoniko izy, nandeha nanohy avy hatrany, fantatrareo, nitondra azy. Amin'ny alina, oadray, oadray, toy ny ahoana no iezahako handrotsirotsy azy mba hatory, sy nitady olona iray ho tonga hiambina azy rehefa nandeha aho ka nivavaka ho an'ny marary. Avy tany amin'ny lâlana lavitra izahay miaraka. Manantena aho fa tahaka an'izany no Itehirizany anay.

²⁷⁸ Hitako izy omaly, nitondra ny zananilahy kely. Dia nieritreritra aho hoe, "Billy, ianao io, vao tsy ela akory izay." Eny, tahaka an'izany no tsy maintsy ataontsika, miala amin'ilay lâlana, ary manome anjara iray ho an'ireo hafa. Isaorana anie ny Anaran'ny Tompo.

²⁷⁹ "Rehefa mierona ny liona, hitanareo, dia iza no tsy afaka hatahotra?" "Ary ny fahatahorana an'Andriamanitra no fiandoham-pahendrena." Marina ve izany? Izany no nolazain'ilay lehilahy hendry. "Ny fahatahorana an'Andriamanitra."

²⁸⁰ Ankehitriny, tiako ianareo olona ao anatin'io laharam-bavaka io, mitsangana eo, ianareo rehetra izay mahafantatra fa tsy mahafantatra na inona na inona mikasika anareo aho, atsangano ny tânânaresho. Ny tsirairay avy. Ny Tompo tsaran'ny Lanitra no Mpitsaroko; araka ny fantattro eo amin'ny fiainako, dia tsy mbola nahita ny iray amin'izy ireo mihitsy aho teo amin'ny fiainako. Mety efa nahita ahy angamba izy ireo, rehefa nipeetraka tao amin'ny mpanatrika.

²⁸¹ Ankehitriny, firy ao amin'ny mpanatrika, no mahafantatra fa tsy mahafantatra zavatra anankiray mikasika anareo aho? Fa, kanefa, marary ianareo, ary mino ianareo fa, Andriamanitra, afaka mikasika ny morontongotry ny Akanjony ianareo, ka hiteny amiko Andriamanitra mba hiantso anareo, tahaka ny Nataony tamin'ilay vehivavy, tahaka an'ilay vehivavy tany ampiandohana? Oh, oadray! Tsy mahagaga raha nitory teny ela aho. Mpanatrika iray tahaka an'izao, miaraka amin'izao karazana finoana izao, no tokony hanao an'izany.

²⁸² Ity ve ilay ramatoa? Ankehitriny, indro misy ramatoa iray. Mihaona amin'ny maha-vahiny izahay izao hariva izao, ary

ankehitriny dia mitsangana eto izy. Mazava ho azy, angamba marary izy, na mety manana olana hafa izy.

²⁸³ Hitanareo, manao zavatra hafa ankoatry ny manasitrana ny marary Andriamanitra, fantatrareo. Ary noho izany... Ary nampanantena ny hanatanteraka an'ireo ilaintsika rehetra Izy, ireo ilaintsika, indraindray tsy ireo tiantsika, fa ireo ilaintsika. Ankehitriny dia tiako ianareo hieritreritra fotsiny, anankiray ankehitriny, rehefa mandeha mody ianareo, na raha mbola tsy namaky azy mihitsy ianareo tany aloha, dia vakio Masindahy Jaona 4, ary—ary jereo ankehitriny. Ankehitriny, eto, ankehitriny, tsy tsaroako...

²⁸⁴ Mamelà ahy hilaza an'ity. Mino aho, ity asam-panompoana ity, dia na haka ahy hody Izy na hampandroso azy. Izany dia—tonga hatramin'ity andro farany ity mihitsy izany. Na, na mandefa ahy any ampitan-dranomasina na any ho any izay tsy mbola nandrenesan'izy ireo an'Izany mihitsy. Hitanareo? Misy zavatra vonona ny hitranga. Tsarovy fotsiny.

²⁸⁵ Ary, henoy, tsy mpivarotra horonam-peo aho. Fa manana rahalahy tsara iray aho eto izay maka an'ireo horonam-peo ireo, ary Atoa. Maguire izany. Mino aho fa James Maguire izany. Ary ny—ny rafozan-dahiny, Rahalahy Sothmann iry aoriana iry, izy ireo no miaraka amin'ireo horonam-peo ireo. Izaho dia, raha manana milina fandraisam-peo ny iray aminareo... Tsy hilaza zavatra mikasika an'izany aho ankehitriny, satria tsy mahafantatra na inona na inona mikasika an'izany aho. Fa raha mba nividy horonam-peo iray avy tamin'izy ireo ianareo, dia vidio io horonam-peo io, *Tompokolahy, Amin'Ny Firy Izao?* Henoy izany, *Tompokolahy, Amin'Ny Firy Izao?* Alefaso am-pivavahana izany, ary avy eo dia hanomboka hivavaka ho ahy ianareo. Hitanareo? Rehefa ianareo... Satria, ho hitanareo amin'izay fotoana izay hoe—hoe ao anatin'ny fahasaratana toy ny inona no itsanganako eto mihitsy izao hariva izao. Miresaka mikasika ny amin'ny ao anatin'ny fahasaratana, raha fantatrareo fotsiny mantsy izay nitsanganako, eto izao ankehitriny izao, eto mihitsy! Hitanareo? Fa tsy maintsy manohy aho. Ny mpandresy iray tsy mijanona mihitsy, ary ny mpijanona iray tsy mandresy mihitsy. Marina izany. Tsy maintsy mampihatra an'izay notoriako aho. Hitanareo? Ankehitriny, mino an'Andriamanitra aho. Mino Azy aho izao ankehitriny izao.

²⁸⁶ Ankehitriny, eo ambonin'ny fototra iray ity. Ankehitriny, raha izaho—raha izaho no Jesosy Tompontsika nitsangana teto, ka narary ity vehivavy ity, dia fantatrareo fa tsy afaka hanasitrana azy aho raha izaho no Tompo Jesosy. Tsy afaka hanao an'izany aho, satria efa nataoko izany. Ankehitriny, firy no mahafantatra fa marina izany? [Hoy ny fiangonana hoe, "Amena."—Mpand.] Hitanareo? Izany tokoa.

²⁸⁷ Efa Navelany ny fahotana tsirairay. Efa Nositrany ny olona marary tsirairay. Efa Natokany io Rà io teo Kalvary. Efa voaloa ny vidiny. Voaloa daholo izany. Fa ny zavatra tokana tsy mantsy ataonareo dia ny manaiky an'Izany, mino an'Izany ary manaiky an'Izany. Ary tsy afaka manaiky an'Izany ianareo raha tsy mino an'Izany aloha. Hitanareo? Mino ny Filazantsara.

²⁸⁸ Ankehitriny, fa ahoana moa raha nitsangana teto Izy, manao an'ity palitao sy pataloa izay nilazan'ny Tompo tsara tamindRahalahy sy Ranabavy Williams mba hovidiana ho ahy ity, teo amin'ny dimy na enin-taona lasa izay? Ary ahoana moa raha nitsangana teto Izy ho an'ity palitao sy pataloa ity, manao an'ity palitao sy pataloa ity, ary nitsangana teto ity vehivavy ity?

²⁸⁹ Ankehitriny, raha nanana holatra Izy teny an-Tànany, dia hilaza Izy hoe, “Hitanao, Izaho no Mesia. Izaho... Hitanao ve ireo holatra? Jereo ny Handriko.” Ankehitriny, ny mpisoloky rehetra dia afaka hanao an’izany. Marina izany. Tsy amin’ny alàlan’izany no hahafantarana Azy. Ary raha nitsangana teto tahaka an’izany Izy, dia ho fantattro fa tsy Izy izany. Ho fantattro fa tsy izany ilay izy.

²⁹⁰ Satria, rehefa tonga Izy, dia hotsofina ny trompetra. Isika dia... Tsy ho tonga eto an-tany akory aza Izy. Isika no hakarina eny amin’ny habakabaka, mba hitsena Azy. Hitanareo? Hihaona Aminy eny amin’ny habakabaka isika. “Isika izay velona ka mitoetra dia hakarina miaraka amin’izy ireo, hitsena ny Tompo eny amin’ny habakabaka.” Tsy tonga eto an-tany mihitsy Izy. Isika no mitsena Azy eny amin’ny habakabaka.

²⁹¹ Fa ankehitriny, hoy Izy hoe, “Homba anareo Aho, hatramin’ny fahataperan’izao tontolo izao. Tsy handao anareo mihitsy Aho na hahafoy anareo.” Ahoana no Ahafahany ho izany? Ny Fiainany. Noho izany, raha Ny Fiainany no tao anatiko, dia izaho no ho nisolo tena Azy amin’izay fotoana izay. Noho izany, raha izany no izy, dia ho ilay Fiainana iray ihany izay tao Aminy izany, hanao an’ireo zavatra iray ihany izay Nataony izany.

²⁹² Ankehitriny, indro misy lehilahy iray sy vehivavy iray, tahaka ny Masindahy Jaona 4. Nihaona tamin’ny vehivavy iray Izy. Tsy mbola nahita azy mihitsy Izy tany aloha. Izy tsy mbola nahita Azy mihitsy. Ary nitsangana teo izy ireo, niaraka. Dia Noteneniny taminy, ilay vehivavy teo amin’ny fantsakana, hoe inona ny olany. Ary rehefa Nataony izany, dia hoy izy hoe, “Tompoko, hitako fa Ianao dia—mpaminany iray Ianao.” Hoy izy hoe, “Fa fantatray fa ny Mesia, rehefa tonga Izy, Izay antsoina hoe ny *Kristy*, izay midika hoe, ‘ilay Anankiray voahosotra’; rehefa tonga Izy, dia Izy no hanao an’ireo zavatra ireo, hiteny aminay an’ireo zavatra ireo.”

Dia hoy Izy hoe, “Izaho no Izy, izay miresaka amina.”

²⁹³ Ankehitriny, raha Izzy no tsy miova omaly, anio, ary mandrakizay; izao fotsiny, ilay tena ara-batana... Mampiasa ny vatanareo Izzy. "Izy no voaloboka. Isika no sampana." Noho izany, io Fanahy io dia hihetsika marina tokoa indray tahaka ny Nihetsehany fony Izzy tao Aminy. Marina ve izany? Hanao anareeo hino ve izany? Manaova hoe, "Amena," raha hanao izany. [Hoy ny fiangonana hoe, "Amena."—Mpand.]

²⁹⁴ Ankehitriny, ramatoa, tsy mahafantatra anao aho, tsy mbola nahita anao mihitsy teo amin'ny fiainako, araka ny fantatro. Mazava ho azy, mety efa nahita ahy angamba ianao teny andàlambe na tao amin'ireo favoriana, sy ny sisa. Fa ity no fotoana voalohany ihaonantsika.

²⁹⁵ Ankehitriny, raha—raha fanasitranana no ilainao, eny, izaho, raha afaka nanao an'izany aho, dia ho nataoko, ary raha nanana fomba iray aho. Ary raha ara-bola izany, raha izaho—raha afaka nanampy amin'izany aho, dia ho nataoko izany. Ary raha hilaza ianao, mety olon-kafa iray, hilaza ianao hoe, "Tonga eto aho, Ranadahy Branham, mba hivavahanao ho—ho an'ny zanakolahy, na ny zanakovavy, na ny rahavaviko, na ny dadako," na olona iray. Hataoko izany, hitanao, ny zavatra rehetra izay vitako.

²⁹⁶ Ary—ary raha nanana olana ara-tokantrano ianao, dia hilaza aho hoe, "Tiako ny hihaona amina sy ny vadinao, miaraka, ka hiresaka aminareo any ho any ankoatran'ny eto, hitanao, mba ahafahako miresaka aminareo roa ka hahita marina tokoa hoe aiza no misy ny fahadisoana." Amin'izay fotoana izay, rehefa manambara ny Fanahy Masina, manao hoe, "Andraso iray minitra. Nanao an'ity ianao teto mihitsy tamin'ity fotoana anankiray ity." Milamina hatreо izany. Tsy afaka handà an'izany ianao. Hitanao? Hilaza aho hoe, "Nanao an'ity ianao teto." Amin'izay fotoana izay, amin'izay fotoana izay dia nilamina hatreо izany, hitanao. Ankehitriny, dia manomboha avy eo mihitsy. Hitanao? Tahaka an'izany, dia vita ilay izy.

²⁹⁷ Ankehitriny, fantatrao fa miresaka amina ho an'ny tanjona iray aho. Efa nitory teny aho. Hitanao? Ary avy eo aho dia—mampiditra fotsiny ny tenako ao—ao amin'ny hosotra ho an'ny zavatra hafa aho, hitanao, mba hahita raha ho tonga ny Fanahy Masina ka hiasa eo amiko miaraka amin'ny fanomezam-pahasoavana avy amin'Andriamanitra; izany hoe, mipetraka miaraka mihitsy ireo fieritreretana roa, izay manome ahy ny fahasoavan'Andriamanitra mba hahita fahitana, sy hahita an'izay mitranga, izay hitranga, izay efa nisy.

²⁹⁸ Ianao no mahafantatra na marina ilay izy na tsia. Mitsangana eto anatrehan'ny olona dimanjato ianao farafahakeliny, hitanao, na manakaiky an'izany, telonjato, na ahoana na ahoana. Hitanao? Ary—ary fantatrao fa izany—izany... Ianao no mahafantatra na marina izany na tsia. Ary—ary raha marina izany, amin'izay fotoana izay dia

Andriamanitra izany. Hoy ny Baiboly hoe, “Raha misy anankiray eo anivonareo, izay ara-panahy na mpaminany iray, ka izay lazainy dia miseho, amin’izay fotoana izay dia henoy izy.” Hitanao? Ankehitriny, “Raha tsy izany ilay izy, amin’izay fotoana izay dia aza mihaino azy.”

²⁹⁹ Ankehitriny, tsy manana hevitra aho ny amin’ny maha-eo an’ilay ramatoa. Fa ankehitriny dia aoka ho tonga fotsiny ny Fanahy Masina, ka hahita raha miteny an’izany Izy. Hitanareo? Ary raha tsy ho izany ilay zavatra iray ihany izay nataon’ny Tomponsika! Izay ihany no ho Azony atao raha mitsangana eto mihitsy Izy, satria, tsarovy, Izy izany. Izy izany. Tsy izaho izany. Tsy mahafantatra azy aho. Miaiky aho, tsy mahafantatra azy aho. Noho izany, hila Azy izany.

Ankehitriny, mazava ho azy, manana fihetseham-po tsara iray amin’ny fanahiny ilay ramatoa.

³⁰⁰ Tsy satria hoe manangana ny tànany izy. Ianareo rehetra dia efa tao amin’ireo favoriana, ka nahita azy ireo nanangana ny tànany, manao tahaka an’izao, ary miantsy avy hatrany ny Fanahy Masina ka miteny amin’izy ireo an’izay na-ha-izy azy ireo. Hitanaeo? Marina izany. Tsy midika na inona na inona izany. Mandre azy ireo mihorakoraka sy mihiaikiaka; eo no ho eo, miteny amin’izy ireo eo no ho eo ianareo hoe, “Ianao dia miaina miaraka amin’ity vadin’ny lehilahy ity,” nahita an’izany mihitsy *teto*, sy ny zavatra hafa rehetra. Eny, fantatrareo. Efa tao amin’ireo favoriana ianareo ka nahita hoe ahoana ireo zavatra ireo, ary mahita hoe ahoana ireo zavatra ireo. Tsy midika zavatra iray izany.

³⁰¹ Fa toa misy fihetseham-po mahafinaritra iray amin’ny fanahiny ilay ramatoa. Ankehitriny, ilay ramatoa dia mijaly amin’ny zavatra ratsy iray. Mandinika azy aho, ny fomba ihinanany. Eto anoloako izy ankehitriny, eo amin’ny latabatra, ary karazana sakafo mahazatra na zavatra iray, karazana sakafo mahazatra toa hafahafa. Marina izany. Marina ve izany? [Hoy ilay anabavy hoe, “Marina izany.”—Mpand.] Noho izany dia atsangano ny tànanao mba hahitan’ny olona an’izany. Hitanaeo? Nahita an’ilay ramatoa teo anoloako aho, nanao zavatra. Na inona na inona ilay izy, dia eo amin’ny horonam-peo izany. Hitanaeo? Eny àry. Ankehitriny, mba hahafantaraneo fotsiny hoe nahoana... Olona iray mahafinaritra izy.

³⁰² Diniho vetivety fotsiny. Eo am-panosorana ny Fanahy ankehitriny. Ankehitriny, aoka ny olona rehetra hipetraka tena hanaja. Manohiza mivavaka. Aoka ho ao amin’ny vavaka, satria mahita Azy mihetsika eo ambonin’ny mpanatrika mihitsy aho vao teo. Hitanaeo? Ankehitriny dia aoka ho tena hanaja.

³⁰³ Ndaorjerentsika indray ilay ramatoa, mba hiresahana aminy fotsiny. Na inona Noteneniny taminao... Hia. Ity ilay izy. Eo amin’ny latabatra ilay izy. Ilay izy dia a—aretim-bavony ilay

izy. Ary tahaka ny karazana vay iray na zavatra iray ao amin'ny vavony. Efa njery an'io ny dokotera iray. Ary, hono ho'aho, efa ela no nanananao an'io aretina io. Ary, fahiny, dia nolazaina ilay izy hoe, "Fery, izay mipoitra." Ary ankehitriny dia nilaza zavatra iray izy. Inona izany? "Duodénal. Duodénal. Duodénal," nandre azy nilaza an'izany aho. Hitanao? Marina izany. Marina tokoa izany. Ny anaranao dia Ramatoakely McCraw. Marina izany. Mandrosoa ankehitriny, minoa amin'ny fonao rehetra.

Mino ve ianao?

³⁰⁴ Aorian'ny fitomaniana tahaka an'izany, mipetraka iry aoriana iry, tomoko, io avokavoka potika izay nanananao io dia tokony hahatsapa ho tsaratsara betsaka kokoa ianao manomboka izao, raha mino ianao. Mety tsara izany ankehitriny. Eny àry, izany no nanao an'ilay izy. Amena.

Inona no nokasihany?

³⁰⁵ Lehilahy, eo amin'ny roa aoriany eo, miaraka amin'ny fahasaratotan'ny làlan-drà, raha mino koa ianao, tomoko!

³⁰⁶ Inona no nokasihany? Tsy afaka mahita an'io Hazavana mihantona eo io mihitsy ve ianareo? Jereo io Manganohano io etsy. Tsy fantatro ilay lehilahy, tsy mbola nahita azy mihitsy aho teo amin'ny fiainako. Minoa fotsiny an'ny Tompo Jesosy.

³⁰⁷ Ankehitriny, any ho any, misy zaza kely eto, zaza izay manana tenda folaka. *Etsy* ilay izy. Tsy fantattro izy. Minoa, ranabavy. Hahitsy ny tendan'io zazakely io, raha hino an'izany ianao.

Inona no nokasihany? Haleloia.

³⁰⁸ Misy zavatra hafa mikasika ny tenda iray. Hitako ilay izy. Vehivavy iray izany. Tsy afaka mametraka azy aho. Hia. Mipetraka eto izy, mitomany. Rtoa. Riley, minoa an'i Jesosy Kristy Tompo, dia ho salama ny tendanao. Minoa.

³⁰⁹ Tsy fantattro ilay vehivavy. Tsy mbola nahita azy mihitsy aho teo amin'ny fiainako. Ny zavatra tokana tokony ataoareo dia ny mino an'i Jesosy Kristy. Mino an'izany ve ianareo? Manàna finoana.

³¹⁰ Tsy mahafantatra anao aho, tomoko. Samy vahiny isika, araka ny fantattro. Mino ve ianao fa afaka miteny amiko ny aretinao Jesosy Kristy? Ianao no mahafantatra na ho marina izany na tsia, sa tsy izany? Raha afaka mino amin'ny fonao rehetra ianao ankehitriny! Manohy mandeha mankany amin'ny mpanatrika izany. Mino ve ianao fa ny vadinao eo dia ho mety tsara, ihany koa? [Hoy ilay rahalahy hoe, "Eny,"—Mpand.] Ny areti-maso, mijaly amin'ny areti-maso izy. Mino an'izany ve ianao? Tsy avy eto ianao. Tsia. Ianao dia avy any amin'izay misy rano betsaka, làlana iray. Tanàna iray amoron-tsiraka izany. California izany, Los Angeles. Miverena, Atoa. Bowman, ary aoka ho salama. Ary Jesosy Kristy no hanao anao ho salama.

³¹¹ Mino ve ianareo? Ankehitriny, ianareo, ny tsirairay avy dia mety ho sitrana izao ankehitriny izao raha mino an'izany ianareo. Mino an'izany ve ianareo?

³¹² Ahoana ny aminareo ao amin'ny laharam-bavaka, ianareo ve mino an'izany, ihany koa? Manana finoana fotsiny, ary aza misalasala. Minoa amin'ny fonareo rehetra, iray minitra.

³¹³ Ity ramatoa ity, ny antony nijanonako teo aminy, dia ao anatin'ny toerana saroatra izy. Ho faty avy hatrany ity ramatoa ity raha tsy misy zavatra atao ho azy, satria voaaloka izy. Hitanareo ve io aloka mainty eo amboniny io?

³¹⁴ Hono ho'aho, fantatrareo ve, fa manana ny alok'io fahafatesana eo ambonin'ny olona io izahay, azon'ny fakan-tsary, tahaka an'ilay Anjelin'ny Tompo mihitsy? Manana an'izany izahay mihantona ao amin'ny fiangonganay; zavatra goavana be, toa mainty, tahaka ny rivo-doza iray, mihantona eo ambonin'ny vehivavy iray. Niteny taminy izy ireo mba tsy haka an'ilay sary. Fa hoy ny Fanahy Masina hoe, "Alaivo ilay izy izao ankehitriny izao." Dia nalain'izy ireo ilay sary, ary teo ilay izy. Hitanareo? Ireo lafiny roa, eto. Mihantona eo mihitsy izany.

³¹⁵ Ianareo olona avy any amin'ny tabernakla, ny sasany aminareo izay, izay eto, Rahalahy Fred sy izy ireo, indro fa mihantona eo ambonin'io vehivavy io mihitsy io zavatra iray ihany io.

³¹⁶ Tratry ny homamiadana izy, marina izany, ny tatavia. Marina izany. Marina ve izany? Atsangano ny tànanao raha marina izany. Hitanareo? Ankehitriny dia lasa ilay aizina, tsy nilaza na inona na inona. Hitanareo, ny finoany fotsiny, izany no nanao an'ilay izy. Mandehana, mino. Amena. Amena. Aza misalasala amin'izany. Mandehana fotsiny ka minoa amin'ny fonao rehetra.

³¹⁷ Mamono olona betsaka ny aretim-po, saingy tsy hamono anao izany raha hino ianao. Amena. Mandehana fotsiny, manao hoe, "Misaotra ny Tompo." Mandehana ka aoka ho salama. Eny àry.

³¹⁸ Ny devoly no te-hanao anao hanana an'io aretin-kozatra io mandritry ny fiainanao rehetra. Fa raha mino amin'ny fonao rehetra ianao, dia hanao anao ho salama Jesosy Kristy. Mino an'izany ve ianao? Tohizo ny lâlanao, misaotra an'Andriamanitra.

³¹⁹ Mino amin'ny fonao rehetra ve ianao? Afaka mihinana ny sakafô harivanao ianao, ary hiala aminao io aretim-bavony io. Mandehana fotsiny ka manaova hoe, "Deraina ny Tompo!" Mandehana, minoa Azy amin'ny fonao rehetra.

³²⁰ Ianao dia nanana, ihany koa, aretim-bavony iray. Minoa amin'ny fonao rehetra, ka mandehana, dia hanao anao ho salama Jesosy Kristy. Eny àry.

³²¹ Inona no tena atahoranao? Voahelingelin'ny fikorontanantsaina ianao. Saiky namotika anao mihitsy, saiky tao anatin'ny fahapotehana, mandainga amina Satana. Fa vita ilay izy ankehitriny. Mino ahy ve ianao? Mandehana, ka manaova hoe, "Deraina ny Tompo!"

³²² Tompo Jesosy, mivavaka aho mba Hanasitrananao ny anabavinay ka hanaovanao azy ho salama, amin'ny Anaran'i Jesosy. Amena.

³²³ Avia, mino, ranabavy. Amin'ny Anaran'i Jesosy Kristy, mametraka ny tànako eo aminy aho ho an'ny fahasitranany.

³²⁴ Avia, ry rahalahiko. Amin'ny Anaran'i Jesosy Kristy, mametraka ny tànako eo amin'ny rahalahy aho ho an'ny fahasitranany. Amena.

³²⁵ Firy no manana fo mino iray, eo ambanin'ny tànana iray izay hitsangana? Ankehitriny dia apetraho eo amin'ny olona iray akaikinareo io tànana io. Hoy ianareo hoe, "Ho nilaza an'izany ve i Amosa?" Ho nilaza tokoa izy. Izany no Tenin'ny Tompo. Atsangano ny tànanareo, minoa.

³²⁶ Hoy Jesosy hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo . . ." Tsy nilaza akory aza hoe hivavaka ho azy ireo izy ireo. Hoy Izzy, "Raha mametraka ny tànany eo amin'ny marary izy ireo, ilay tànana mipetraka eo amin'izy ireo fotsiny, dia ho sitrana ireny."

Ndoa isika hivavaka.

³²⁷ Tompo Jesosy, efa nierona tamin'Ny Feony ilay Mpanjaka hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo, dia ho sitrana ireny." Tompo Andriamanitra, enga anie hihiakiaka ny demony tsirairay. Enga anie hiala ny aretina tsirairay. Enga anie ho resy ny devoly, ka hivoaka avy eto amin'ity tranobe ity ireo zanak'Andriamanitra izao hariva izao amin'ny fandresena sy ny herin'ny fitsanganan'i Jesosy Kristy.

³²⁸ Minoa an'izany. Marina izany. Mijanòna tsara amin'izany. Hono ho'aho, apetraho fotsiny, hazony eo amin'ny olona iray ny tànanareo, manao hoe "Tompo, sitrano izy ireo." Tiako ianareo hivavaka. Efa nivavaka aho. Tiako ianareo hivavaka ho an'ny olona iray. Ianareo dia—ianareo no . . . Kristiana iray tahaka ahy ianareo. Kristiana isika rehetra. Ankehitriny dia mivavaha ho an'ny olona iray. Mivavaka ho anareo izy ireo.

³²⁹ Ankehitriny, ahoana no hitiavanareo olona iray hivavaka ho anareo? Mivavaha ho azy ireo tahaka ny itiavanareo olona iray hivavaka ho anareo. "Ataovy amin'ny hafa, izay tianareo

hataon’ny hafa aminareo.” Mivavaha avy hatrany, aoka ho tso-po, tahaka ny itiavanareo azy ireo hivavaka ho anareo mihitsy.

³³⁰ “Ary ny vavaky ny finoana no hamonyjy an’ilay marary. Andriamanitra no hanangana azy ireo. Ary raha nanana tsifinoana izy ireo, dia ho esorina amin’izy ireo izany.” Nahoana? “Mierona ilay Mpanjaka. Iza no tsy afaka haminany? Iza no tsy afaka hijoro vavolombelona rehefa mierona ilay Mpanjaka?” Hoy Ny Teniny hoe, “Izy no tsy miova omaly, anio, ary mandrakizay.”

Rahalahy Fuller, avia. Andriamanitra hitahy anao.



NY FANAON'NY MPAMINANY MARINA IRAY MAG63-0119
(The Way Of A True Prophet)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 19 Janoary, 1963, tao amin'ny Faith Temple ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org